

記纂淵海

二



方興未艾



經如川之方至以莫不增詩子曰吾見其進也未見其止也
也
語論

子若火之始然泉之始達猛刀刃若新發於研莊子南日

出陽谷登於扶桑淮南鴻烈解赫赫乎日出之光揚子

傳記少而學者如日出之光劉

集車輕御良馬力優咄哉識路行未休韓昌黎集悠悠指道遠

去去策高駕若健者之升梯舉足愈多身愈高人愈仰

之耳柳集鴻漸之恣當從此始白樂天詩如日不滅如海不竭

溫觀其逸足駸駸方將扶搏搖而凌泰清獵遺風而薄嵩

岱吾見其進未見其止韋應物詩

本朝羨子年少正得路有時扶桑初日升歐陽修詩清塗方踐

遠業難量

光燄不長

經否終則傾何可長也 枯楊生華何可久也 日昃之

離何可久也並易經 雨雪漉漉見睨曰消詩翰音發於天何

可長也易

子七八月之間雨集溝澮皆盈其涸也可立而待也孟飄風

不終朝驟雨不終日老朝菌不知晦朔朽壤之有茵芝者

生於朝死於晦孫雲霧之盛須臾而訖暴雨之盛不過終日魏

史當世則榮沒則已焉諛以色事人者色衰而愛弛愛弛

則恩絕 朝為榮華夕而憔悴灑相聚偷生若魚游釜中

喘息須臾間耳范氏後漢書人世如朝華之草夕而零落魏王

傳記 老而學者如秉燭夜行劉向江河之溢不過三日飄

風暴雨須臾而畢范說

集 君寧見階上之白雪豈鮮耀於陽春謝蕙舜榮不終朝

蟬螭豈見夕郭景純集迫此短景急繁華能幾杜工部詩朝蠅不須

驅暮蚊不可拍得時能幾何與汝恣啖昨涼風九月到掃

不見蹤跡韓昌黎文隨風隔幔小帶雨傍林微十月清霜重飄

零何處歸 病葉多先墜寒花只暫香杜工部詩以色事它人

能得幾時好李太白詩潢潦无根源朝滿夕已除韓昌黎詩浮雲上

天雨墮地暫時會會合終離異張敬文寒灰埋暗火曉焰凝

殘燭白樂天詩危蒂幾時容元微之詩况君春風面柔促如芳草鏡

中桃李色不得十年好白氏詩幕燕鼎魚偷活傾刻 朝上

拂雲花暮為委地同頰同孤鼠乘夜睚盱晨光既升勢

自跼縮陸宣公詩亦猶小星將墜則芒焰驟表過春花自

落竟曉月空明許用詩偷閑晷刻出摩詰詩

本朝 草木榮華之飄風鳥獸好音之過耳姬浮雲無根蒂

黃潦能須臾 春冰無貞堅歐文並春寒秋熱老健為此三者

終是不久長之物試問冰霜堅春來能久牢蘇子瞻詩

一眠同仁

經 雲行雨施天下平也易普天之下莫非王土率土之濱

莫非王臣此無此疆爾界並誨大道之行也天下為公故

人不獨親其親不獨子其子外戶不閉是謂大同 故聖

人以天下為一家以中國為一人 貨惡其棄於地也不

必藏於己力惡其不出於身也不必為己禮記四海之內

皆兄弟也顏論語

子楚王失弓左右請求之王曰楚王失弓楚人得之又何求之孔子曰惜乎其未大也不曰人遺弓人得之何必楚也家語自其同者視之萬物皆一也莊

史封略之內何非君土食上之毛誰非君臣杜氏傳四海之內若一家通典六合怡怡比屋為仁壹天下之眾異齊品類之萬殊參差同量坏冶一陶漢傳

集四海皆兄弟誰為行路人蘇和氏之璧焉得獨耀於郢握夜光之珠何得專玩於隋掌天下之寶當與天下共之

劉越惟同大觀萬殊一轍諷諷澤無不漸螻蟻之穴靡遺齊故安桃李有奇質樗櫟無妙姿皆承慶雲沃一種春風

歐陽六合栖霞雨萬物无凋枯時太安得廣厦千萬間大庇天下寒士皆懼顏謝聖人一視而同仁韓視外猶視中

一家猶一人並文誠使刺史不私於其民觀察使不急於其賦刺史曰吾州之民天下之民也惠不可獨厚觀察使亦曰某州之民天下之民也斂不可以獨急如是而政不均令不行者未之有也歐慶雲所潤不遺於荆棘王憶年

十五學構厦有意盖覆天下窮衡憂人骨肉同姚少在西而東均處內而外肥惟天之意莫遺於微細如日之輝不隔於幽遠並文糖嘗欲大潤澤於天下一物枯槁以為身羞

隘畢竟春風不棟擇隨開隨落自勺勺樂爭得大裘長萬丈與君都盖洛陽城禾黍與根莠兩來同日滋並出白

肝膽楚越

子自其異者視之肝膽楚越莊德淮南子曰肝膽胡越

史舟中之人盡為敵國史記吳謝玄子煥煥子靈運才藻

瞻逸玄曰我尚生煥煥那得不生靈運晉書

集 失之者肝膽楚越唐徐彥伯論
本朝 肝膽猶能楚越如東坡

不以言取

經 孔子曰今吾於人也聽其言而觀其行論趙文子其言
訥訥然如不出語其口禮記禮記並子
曰君子不以言取人語衛靈公

子 孔子欲以言辭取人於宰我失之矣諫

史 相如口吃而善著書同馬相倪寬敏於文口不能發明
也儒林伏生劉儒口訥而心辯漢張釋之曰周勃張相如
稱爲長者兩人言事曾不出口通鑑漢文紀

以言取人

史 孔子曰吾以言取人失之宰予仲尼弟文帝登虎圈

問上林尉禽獸簿不能對晉夫從旁代對響應亡窮詔拜
嗇夫爲上林令前漢張楊情典選多以言取人後魏朱朴
自言得爲宰相月餘可致太平上以爲然以朴同平章事
朴爲人庸鄙迂僻無它長制出外大驚通鑑唐

不以貌取

經 趙文子其中退然如不勝衣注中身也記檀

子 孔子欲以容貌取人於子張改之矣澹臺有君子之
容而行不勝其貌並出相形不如論心注孫卿非相也

徐偃王之狀目可瞻焉不能俯視細物仲尼之狀面如蒙

俱注方相也 周公之狀身如斷菑 皋陶之狀色如削
瓜 閔天之狀面無完膚傳說之狀身如植鰭注如魚立

也 伊尹之狀面無須麋禹跳湯偏堯舜參牟子注二
瞳也 桀紂長巨姣美天下之傑筋力越勁百人之敵然
身死國亡為天下大僂後世言惡則必稽焉今世俗之亂
君鄉曲之僂子莫不美麗佻冶奇服婦飾血氣態度擬
於女子婦人莫不願得以為夫處女莫不願以為士然而
中君羞以為臣中父羞以為子中兄羞以為弟中人羞
以為友 楚孫叔傲突禿長左而以楚霸業公子高微小
短瘠行若將不勝其衣而白公之亂誅白公定楚國如
反手耳並注孫卿非相也

史 晉叔向適鄭鄭駸駸立於堂下一言而善叔向曰子
少不颺子若不言吾幾失子矣左昭二年太史公以為留侯
魁梧奇偉至見其圖狀如婦人好女子史記嚴延年為人
小精悍敏捷於事雖子貢冉有通於政事不能過也 舜

蓋重瞳子項羽又重瞳子項籍傳並西漢何休質朴訥口而雅有

心思本傳入深周燮王而欽頤折頰醜狀駭人其母欲棄之

其父曰賢聖多異貌興我宗者乃此兒也於是養之本傳

漢魏主指崔浩曰汝曹視此人庭纖懦弱不能彎弓持矛

然其胸中所懷乃過於甲兵通鑑齊子孟業為法曹王岳

見其容貌短小笑而不言及尋斷決之處謂業曰卿決

斷之明可謂有過軀之用典略侯景右足偏短弓馬

非其長而多謀算通鑑梁虞世南外若不勝衣而中

抗烈唐書魏徵容貌不逾中人而有膽略通鑑唐太

學博士周捨舉外弟徐摛曰形質陋小若不勝衣而

堪此選乃為晉安王侍讀劉瓛表

集 子雖軀幹小老氣橫九州壯脉不病雖瘠不害脉病而

肥者死矣雜雖長不滿七尺而心雄萬夫糖文伯論之形

不妨賢士 晏子短而相齊蔡義小而佐漢 高柴至惡

推至孝於孔門並出

本朝 晏嬰不滿六尺長高節萬仞陵首陽東坡詩

以貌取人

史以貌取人失之子羽仲尼弟子孟嘗君之趙趙人出觀之

笑曰始以薛公為魁然也今視之眇小丈夫耳出史龔遂

召見形貌短小宣帝見不副所聞心內輕焉龔遂江充為人

魁岸容貌甚壯武帝望見而異之曰燕趙多奇士龔遂親

見揚子雲祿位容貌不能動人故輕其書揚雄傳楊愔典

選多以貌取人時謗云尚書典選似貧人買瓜唯取大者

後魏書

記纂淵海卷第一

履而後知

經學然後知不足教然後知困諱知為人子然後可以為人父知事人然後能使人並禮記

子不臨深淵何以知沒溺之患不觀巨海何以知風波之患家語不登高山不知天之高不臨深溪不知地之厚不

聞先王之遺言不知學問之為大荀勸震風凌雨然後知厦屋之為併蒙也虐政虐世然後知聖人之為邗邗也子文中子曰父父臨事當自知之

史齊高彊曰三折肱知為良醫左定十三年互周勃下廷尉吏稍侵辱之勃以千金與獄吏吏乃書背牘示之勃既

出曰吾嘗將百萬軍然安知吏獄之貴乎世說百聞不如一見臣願馳至金城圖上方略趙充國傳畫地為牢勢不可入

削木為吏議不可對司馬遷傳嘗肉一鬻識鑊中之味北史魏**傳記**若不一叩洪鐘伐雷鼓則不識其音響也世說嘗一鬻而知一鑊之味一鼎之調韜氏

集九折臂而成醫兮吾今而知其然楚辭誰言捐軀易殺身誠獨難曹子建詩既傷蔓草別方知杖杜情曹案倦客惡離

聲選東行如痛定之人思當痛之時不知何能自亂也及之而後知履之而後難耳韓文經事漸知非柳不讀關雎篇安知后妃德劉文入耳淡無味恁心潛有情始知

為客苦不及在家貧憂方知酒聖貧始覺錢神不窮眠世界焉識宇宙廣當時父母念今日爾應知並出白

世情閑盡見藥性病多諳獲寶於已喪得途於既迷與

夫貧居不為艱故所激者其味異矣劉賓客不涉太行險誰

知斯路難歐陽聖石長因送人處憶得別家時唐人詩見

本朝人之未知學者自視以為無缺及既知學反思前日

所為則駭然矣就嘗鼎一臠旨可知也臨川多事始知田

舍好凶年偏覺野蔬香東坡詩吾平生多難嘗以身試之凡

免我于厄者皆平生可畏人也擠我于險者皆異時可喜

人也東坡剛說互其少時好議論古人既老涉世更變往

往悔其言之過東坡答王庠

嗟臍何及

經弗謹厥德雖悔可追五子歌汝悔身何及並書子有酒

食何不日鼓瑟宛其死矣它人入室詩山啜其泣矣何嗟

及矣詩中谷時過然後學則勤苦而難成記學今不取然

後必為子孫憂語季氏互

子儵鮓者浮陽之魚也眩於沙而思水則無逮矣挂於罟

而欲謹則無益矣榮穀既破碎乃大其輻事已敗矣乃重

太息其亡益乎法行並

史若不早圖後君嗟臍左莊不以繁華時樹本即色衰愛

弛後雖欲開一語尚可得乎史呂不韋傳覆水不收後悔

何及東漢光知財為禍何不早散崇傳齊張敬兒被禍脫

冠貂投地曰此物誤我繼

傳記夫差帥羣臣祠子胥江水濱曰昔不聽相國之言乃

用讒佞之言至今相國遠沒江海自亡以來濛濛惑惑如

霧蔽日莫誰與言吳越春秋

集少壯不努力老大徒傷悲選長行毫末不早辨滋蔓信難

圖謝郎鬼跡貪前逐梟心不早防張承吉文超榮貪位者

若陟懸崖險不能止俾至身危踣蹶然後嘆不知稅駕之所焉可及矣唐沈顧登華首互入貪迷

本朝 枯魚雖悔泣何及陳後山

隨材器使

經 徂來之松新甫之栢是斷是度是尋是尺詩闕或以德進或以事舉或以言揚世文正子曰君子使人也器之器而注孔日度

子 工之制木也大者以為舟航柱梁小者以為楫楔脩者以為櫓橈短者以為侏儒析櫨無大小脩短皆得其所宜兼收子互入兼蓄良匠提斤斧造山林棟梁阿衡之材櫨柱楣椽之朴森然陳於目前大厦之器具矣孫子互入兼蓄巧工之制木也規矩方圓各隨所施淮南子

史 譬諸材木洪纖曲直各有所施晉書阮咸疏若榱椽梁柱以成大室义負偃植各安所施而無遺材唐書劉弘基贊互入兼收讎韓滉在二浙所辟僚佐各隨所長無不得人嘗有故人子謁之考其所能一無所長滉與之宴竟席未嘗左右視及與並坐交言後數日署為隨軍使監庫門其人終日危坐吏卒無敢妄出入者通鑑唐德宗

集 直木不可以為輪曲木不可以為桶馮夫大木為宗細木為桶樽櫨株儒櫻闌居楔各得其宜以成室屋者匠氏之功也玉札丹砂赤箭青芝牛溲馬渤敗鼓之皮俱收並蓄待用無遺者醫師之良也登明選公雜進巧拙紆餘為妍卓犖為傑校短量長惟器是適者宰相之方也進學解互入兼蓄大匠無棄才尋尺各有所施况當營都邑杞梓用不疑量力而任之度才而處之其所不能不彊使為是

故為下者不獲罪於上為上者不得怨於下矣上張建任

有小大惟其所能若器皿焉並出當時而用任物所長九張

辭尺寸之材無所棄元微之集互兼蓄並蓄為棟者資其自天之端

為輪者取其因地之屈白侍郎若以科第之徒浮華輕薄不

可任以為治則國朝自房杜以降有大功立大節率多科

第人也若以子弟生於膏梁不知理道不可與美名而得

仕則自堯已降聖人賢人率多子弟杜牧之互入兼蓄

強其所難

子 鳧脰雖短續之則憂鶴脰雖長斷之則悲 取猿狙而

衣以周公之服彼必齧齧挽裂盡去而後慊天運譬若樹

荷山上而蓄火井中操鈎上山揭斧入淵欲得所求難也

淮南子 說山訓 責疲者以舉千鈞督跛者以及走兔鄧析

史 指金火以求合西漢杜

傳記 舍其所長貴其所短竟亦有所不及矣戰國

集 猶鏤以鈇刀而望巧不已踈乎仲長統不可以自好章

甫強越人以文冕也晉山強人所不能事必不集韓

求朱於藍色何從來類

太剛必折

經 未有違謙越禮能全其壯者也 用壯處壯則觸藩

矣並出易

子 兵彊則滅木彊則折柔弱者生之徒堅彊者死之徒

列黃 堅則毀矣銳則挫矣莊天革堅則裂淮南子

史 天為剛德猶不干時况在人乎左年其強易弱西漢韓

桓公曰金剛則折革剛則裂說嶢嶢者易缺皦皦者易污

東漢韓快牛馬犢多能破軍通鑑八卷李邕文名天下盧藏

用曰邕如干將莫耶難與爭鋒但虞傷缺耳唐李邕傳

集 利劍多缺真玉喜折劉賓

柔能勝剛

子 天下柔弱莫過於水而攻堅疆者莫不能勝弱之勝強
柔之勝剛天下莫不知莫能行堯舌之存也豈非以其柔
耶齒之亡也豈非以其剛耶積於柔必剛積於弱必強
柔勝出於已者其力不可量列天下之至柔馳騁天下之
至堅 人之生也柔弱其死也堅強萬物草木之生也柔
脆其死也枯槁故堅強者死之徒柔弱者生之徒並紀
涓子為齊宣王養鬪雞十日而問雞已乎曰未也十日又
問曰未也十日又問曰幾矣望之似木雞矣其德全矣異

雞無敢應者反走矣莊齒堅於舌而先之弊是故柔弱者
生之榦也而堅強死之徒也淮南山雷至柔石為之穿蝸
虫至弱木為之弊夫雷非石之鑽蝸非木之鑿然而能以
微脆之之形陷堅剛之體豈非積漸之致乎 舌柔軟終
以不弊並出孔叢子

傳記 韓子問叔向曰剛與柔孰堅叔向曰臣年八十齒再
落而舌尚存是知剛不如柔劉向柔能制剛弱能制強黃
駢三劉伶嘗醉與俗人相忤其人讓袂而往必欲毆之伶
顧而笑曰雞肋不足以安尊拳其人笑而止竹林七賢篇

得不償失

子 故事有鑿一孔而生百隙樹一物而生百葉者所鑿不
足以為便而所開足以為敗所樹不足以為利而所生足

以為滅 蘇秦以百詐成一信淮南秦穰侯與綱壽接境

魏冉將以廣其封遂伐綱壽而取之兵回而范睢代其相

矣艾子曰真所謂外頭趕鬼屋裏失獐也艾子

史所獲不如所亡法年壤所利不能藥其所傷所獲不能補

其所亡通鑑招延士大夫常如不足然性嚴峻群臣雖素

所愛信者或小有犯法或欺罔輒按誅之通鑑揚雄以

為靡麗之賦勸百而諷一猶騁鄭衛之聲曲終而奏雅不

已戲乎西漢司馬相如贊所得未毛銖所喪如山崖晉王隱傳一

決江河以救焚焚收而溺至引鴆爵以止渴渴止而身亡

舊唐書互入樊系為朱泚撰冊文既成仰藥而死 歲運

東方租米至有斗錢運斗米之言德宗御史大夫李琪非

無文學但不廉耳唐明宗唐主謂璟曰吾餌金石始欲益壽

乃更傷生晉高祖並通鑑

集取之盡錙銖用之如泥沙杜牧之阿益之以畎澮而泄

之以尾閭嵇叔夜養生論

本朝挽之不能寸推去輒數尺黃魯直詩

得失相補

史始雖垂翅回谿終能奮翼灑池失之東隅收之桑榆後

漢翼劉琨長於招懷而短於撫御一日之中雖歸者數千而

去者亦相繼通鑑王叔文至中書見韋執誼時宰相方

食執誼起就閣於語鄭珣瑜等輟餐以待頃之吏白二公

同飯矣珣瑜喟然曰吾可復居此乎歸家疾卒唐書鄭珣瑜傳

本朝顯禹雲山之罪雖應夷滅光之忠勲不可祀司馬編

過猶不及

經昔魯昭公練而舉酬行旅非禮也孝公大祥尊酬弗舉亦非禮也曾子子曰道之不行也我知之矣知者過之愚者不及也道之不明也我知之矣賢者過之不肖者不及也仲管仲鏹簋而朱紘旅樹而反坫山節藻梲賢大夫也而難為上晏平仲祀其先人豚肩不揜豆一狐裘二十年賢大夫也而難為下雜記

子以為無益而舍之者不耘苗者也助之長者握苗者也

孟公過則失中不及則未至楊問昔徐偃王軟而國滅齊

簡公懦而身亡此性太柔之失也晉陽虓父以純剛取害鄭子陽以嚴猛致斃此性太剛之過也列

史矯枉過其正西漢諸侯王表

集純柔純弱者必削必薄純剛純強者必喪必亡柳佩

本朝為國不可以生事亦不可以畏事畏事之弊與生事

均譬如無病而服藥與有病而不服藥皆可以殺人東坡論西

美夏人事宜劄子

得此失彼

經 豐其屋部其家

易豐卦王弼注云
部覆也關之甚也

子 見牛未見羊也

孟梁惠
王上

人有濱河而居者習於水勇於

泅操舟鬻渡利供百口裹糧就學者成徒而溺死者幾半

本學泅不學溺而利害者如此

列

史 祝有益也詛亦有損

左昭二

袁紹見人饑寒恤念之形

於顏色其所不見慮或不及

通鑑漢獻帝

魏曹罔曰猶芟刈股

肱獨任胷臆觀者為之寒心

通鑑三國志互

翟莊惟以弋

釣為事及長不復獵或問漁獵同是害生何止去其一莊

曰獵自我釣自物未能頓盡故先節其甚者且夫貪餌吞

釣豈我哉

晉書

傳記 夫知古不知今謂之陸沈然則儒生所謂陸沈者也

王充
論衡

集 工於瑟而不工於求齊也

韓答陳商書

楊馬之才不知教化

荀陳之道不知文章

柳冕論文互

一自低心翰墨場箭韋

拋盡負書囊

元微集

君耳惟聞堂上言君眼不見門前事

即徐鉉不信佛酷好鬼神之說

楊億
談苑

強本抑末

經 家不藏寶龜

記禮器

子 家不藏甲

諺

史 五大不在邊五細不在庭

昭十

國家之立也本大而末

小是以能固故天子建國諸侯立家

並出

大夫無百雄之

城世孔子徙齊諸田楚昭屈燕趙韓魏後及豪傑名家居關

中無事可以備胡諸侯有變亦足率以東伐此強本弱末

之術也並劉敬傳太宗別置府兵分隸禁衛大凡諸府八百

餘所而在關中者殆五百焉舉天下不敵關中則居重馭

輕之意明矣通鑑唐德宗紀

傳記臣無富於君都無大於國太公六韜

集理天下者若身之使臂臂之使指則小大適稱不悖焉

身所以能使臂者身大於臂故也臂所以能使指者臂大

於指故也陸宣公文

末能勝本

子楚人賣珠於鄭者為木蘭之櫝薰以桂椒綴以珠玉飾以玫瑰緝以翡翠鄭人買櫝而還珠 田鳩曰昔者秦伯

嫁女於晉公子為之飾裝媵七十人至晉晉人愛其妾而

不愛公女此可謂善嫁妾矣未可謂善嫁女也韓非子五入區處失當

史晉甸侯也而建國本既弱矣其能久乎年城二末大必折

尾大不掉昭十左以利相傾千里游教冠蓋相望乘堅策

肥履絲曳縞此商人所以堅并農人所以流亡者也通鑑漢文

紀支大於幹脛大於股不折必披灌夫如下有泰山之安

則上有累卵之危並劉向傳首而不及經綸言武者則以騎

習為先而不知方略通鑑唐紀

傳記脛大於股者難以步指大於臂者難以把本小末大不

能相使者也說苑君道篇

集母瘦雛漸肥白樂天

成難壞易

子今盆水在庭清之終日未能見目睫濁之不用一撓而不能察方圓人神易濁而難清猶盆水之類也況一世而撓清之曷得須臾乎謝真夫樹本灌以潦水疇以肥壤千人養之一人拔之則必无餘並南子

史凡事易壞而難成史曆蒯徹曰功者難成而易敗通鑑

以眾賢舉而用以一人毀而棄積年任而信一朝疑而斥

唐書魏百年勞之一日失之西漢十譽之未信一毀之

可疑唐書趙百年累之一朝毀之東漢五薦不入朝一

麾乃出守宋書昔齊桓公一矜其功而叛者九國曹操

暫自驕伐而天下三分皆勤之於數十年之內而棄之於

俯仰之頃豈不惜乎通鑑夫名門右族莫不由祖考忠

孝勤儉以成立之莫不由子孫頑率奢傲以覆墜之成立

之難如升天覆墜之易如燎毛唐書柳玘互入傲戒

傳記譬如十夫樹楊一夫拔之无得以成其大也戰國

集綴縫難成裁破易元稹取之難梯天失之易反掌杜牧

本朝夫事不患於不成而患於易壞蓋作者未治不欲其

父存而繼者常至於殆廢自古賢哲之士為其民捍患興

利其遺迹往往而在使其繼者皆如始作之心則民到於

今受其賜天下豈有遺利乎歐公假以四時之功而成之

以數日之雨而壞之歐公求善百譽而不進兮一毀終世

以顛隳歐公蘇子美墓銘

易成易壞

子其進銳者其退速孟无故以合者則无故以離莊山

史物暴長者必夭折功卒成者必亟壞朱浮致貴无漸失

必暴受爵非道失必疾程夫物速成則疾亡晚就

則善終朝華之草夕而零落通鑑晉

無所逃罪

經 獲罪於天無所禱也語八倫五

子 知而使之是不仁也不知而使之是不知也孫孟公

史 欲加之罪其无辭乎禧十進退罪也越不有人禍則當

鬼誅唐魏元忠曰臣猶鹿耳羅織之徒欲得臣肉為羹臣

安避之唐武后

集 豈不在遐遠虞羅所見尋陳子昂集不有人禍則有天刑韓

罪有所歸

經 虎兕出於柙龜玉毀於櫝中是誰之過歟語

子 行脩而名不章友之罪也諺夫舟浮於水車轉於陸此

勢之自然也木擊折轉水戾破舟不怨木石而罪巧拙者

知故不載焉淮南子王術言木

史 鄭棄其師春秋閏二年左傳曰鄭惡高克奔陳申子卑

卑施之於名實韓子引繩墨切事情明是非其極慘礪少

恩皆原於道德之意非史傳論王恢行千金丞相紛紛不敢

言上而言於木后曰王恢首為馬邑事今不成而誅恢是

為匈奴執仇也上曰首為馬邑事者恢不誅恢无以謝天

下是時小早上令官求雨卜式言曰縣官當食租衣稅

而已今弘羊令吏坐市列肆販物求利烹弘羊乃天雨通

鑑漢時以浮虛相扇儒雅日替范甯謂其源始於王弼何

晏二人之罪深於桀紂晉書范甯傳桓温過淮泗踐北境

與諸寮屬登平乘樓眺矚中原慨然曰遂使神州陸沈百

年丘墟王夷甫諸人不得不任其責晉書本傳武后見駱

賓王檄曰宰相之過也人有如此才而使之流落不偶乎

唐陸贄上疏以為陛下有股肱之臣有耳目之任有諫諍

之列有備衛之司見后不能竭其誠臨難不能效其死臣

所謂致今日之患羣臣之罪者豈徒言歟謂禍福由人不

言盛衰有命人事理而天命降亂者未之有也人事亂而

天命降康者亦未之有也唐德宗並通鑑譬如操兵以刃人天下

莫不委罪於兵而委罪於所操之主蓄毒以殃物天下不

歸咎於蠱而歸咎於所蓄之家舊唐書裴延齡傳

傳記以徵為羽非絃之罪也以甘為苦非味之罪也說苑

集教盜穴墻發櫃多得金玉已復不與同挈得不為盜乎

杜牧之集互入誅心

本朝百鍊之剛日膾千牛匣而不用非我之羞東坡集民勞

吏宜羞坡詩

發縱指示縱子用切

經昭然若發矇矣記仲尼燕居

子孔子見老子曰丘之於道也其猶醯雞與微夫子之發

吾覆也吾不知天地之大全也莊山

史師之耳目在吾旗鼓左年獵追殺獸者狗而發縱指示

獸處者人也前漢蕭何傳注師古曰發縱謂解絀而放之也縱音子用反謂讀者乃謂縱跡之縱非也

書本皆不為縱字

同功共事

經同力王室書嗣征胥及逸勤書盤庚

史譬如捕鹿晉人角之諸戎掎之左襄十四年笙磬同音惟房

與杜舊唐書贊唐高祖與李密書曰所望左提右挈戮力同心

執子嬰於咸陽殪商辛於牧野

互通鑑隋恭紀
入愚弄

記纂淵海卷第三

記纂淵海

六

坐以制勝

經帝乃誕敷文德舞于羽于兩階七旬有苗格書大禹謨

子不出樽俎之間折衝千里之外譙園居而方正則若盤

石然觸之者角摧兵議拱揖指麾強暴之國莫不趨使瑾荀

真儒無敵於天下子揚

史吳伐魯魯微虎欲宵攻王舍私屬徒七百人三踊於幕

庭吳子聞之一夕三遷左萊頰谷之會孔子相焉兩君就

壇兩相相揖齊人鼓譟而起欲以執魯君孔子歷階而上

不盡一等而視歸乎齊侯曰兩君合好夷狄之民何為來

焉司馬止之齊侯遂巡而謝曰寡人之過也罷會齊人

使優施舞於魯之幕下孔子曰笑君者罪當死司馬行法

焉首足異門而出齊人來歸鄆謹龜陰之田者蓋為比也

轍梁秦欲伐魏聞干木在魏終不敢發兵說諸侯以公子

賢多客不能加兵謀魏魏世家互入項王願與漢王挑戰

漢王曰吾能鬪志不能鬪力並史運籌帷幄之中決勝千

里之外高帝心有所懷威動千里鬪六國常有十倍之地

百萬之軍仰關而攻秦秦人開關延敵九國之師遁巡而

不敢進秦無亡矢遺鏃之費而天下已困矣項籍不降階

序而運天下諸侯楚有子玉得臣文公為之側席而坐趙

有廉頗馬服彊秦不敢窺兵井陘近漢郅都魏尚匈奴不

敢南鄉沙漠陳湯賢人立朝折衝厭難勝於亡形辛慶鄴

食其憑軾下齊七十餘城互入談辨王商有威重長八尺

餘身體鴻大容貌甚過絕人河平四年單于來朝引見白

虎殿丞相商坐未央庭中單于前謂商起離席與言單于仰視商貌大畏之遷延却退天子聞而歎曰此真漢相

矣商商勾奴素聞邳都節為引兵去竟都死不近鴈門卿

傳魏軍次于興勢假費禕節率眾往禦之光祿大夫來敏

至禕話別求共圍碁于時羽檄交馳人馬擐甲嚴駕已訖

禕與敏留意對戲色無厭倦敏曰向聊觀試君耳君信可

人必能辦賊者也禕至敵遂退蜀志費禕傳互劉琨在晉

陽嘗為胡騎所圍數重琨乃乘月登樓清嘯中夜奏胡笳

向晚復吹之賊棄圍而去劉琨傳互入祖逖為鎮西將軍

石勒不敢窺兵河南使成皋縣修逖母墓祖逖以計伐戰

一以當萬杜預傳頡利可汗進至渭水便橋之北遣其腹

心執失思力入見以觀虛實上囚思力於門下省上出玄

武門與高士廉房玄齡等六騎徑詣渭水上與頡利隔水

記卷四

而語責負約突厥大驚皆下馬羅拜來請和突厥寇并

州京師戒嚴世民乃帥騎馳詣虜陳告之曰國家與可汗

和親何為負約深入我地我秦王也可汗能鬪獨出與我

鬪若以眾來直以此百馳相當耳並通鑑唐高祖紀段秀實為涇

原節度使三四年間吐蕃不敢犯塞唐書淮南大將王韶欲

自為留後令將士推已知軍事且欲大掠韓滉遣使謂之

曰汝敢為亂吾即日全軍渡江誅汝矣韶等懼而止上聞

之喜謂季泌曰滉不惟安江東又能安淮南真大臣之器

卿可謂知人通鑑唐憲宗曰吾倚度足破三賊矣度李

勣治并州唐太宗曰我用勣守并突厥不敢南賢於長城

遠矣蘇汲黯在朝淮南寢謀干木處魏諸侯息兵一士止

百萬之師一賢制千里之難並唐書

傳記甲兵不出於軍而敵國勝衝櫓不施於軍而邊城降

傳記甲兵不出於軍而敵國勝衝櫓不施於軍而邊城降

千丈之城拔之樽俎之間百尺之衝折之衽席之上並戰

虞有宮之奇晉戲公為之終夜不寐楚有子玉得臣文公

為之側席而坐遠乎賢者之厭難折衝也說年祐專修

德信以懷吳人陸抗告邊成曰彼專為德我尊為暴是不

戰而自服也晉陽兵不血刃坐以制勝離鴻十六

集宮奇在虞晉不加戎季梁猶在強楚挫謀陳孔信陵佩

魏印秦兵不敢出盧諶詩吾晞段干木偃息藩魏君吾慕

魯仲連談笑却秦軍左大沖三晉之強屈於齊堂之俎千

乘之勢弱於陽門之哭陸士折衝樽俎間制勝在兩楹文

張景孝文之得魏尚虜不足憂太祖之得郭知成吾事賈

王東山謝安石談笑靜胡沙李太白集互以山河為寶者

萬夫不能當以道德為藩者四夷為之守白樂

本朝垂紳正笏不動聲色而措天下於泰山之安書錦

坐以致人

經匪我求童蒙童蒙求我 闇者諮明明者不諮於闇易

蒙子曰德不孤必有隣語里

子醫門多疾出入間世 肉不慕蟻蟻慕肉徐元鬼良醫

之門多病人隱括之側多柱木 川淵深而魚鱉歸之山

林茂而禽獸歸之 樹成蔭而眾鳥息醯酸而蚋聚並勤學

山舉非為鳥值林林茂而鳥自栖之江湖非為魚鑿潭潭

深而魚自歸之子劉

史郭解入關關中賢豪知聞其聲爭交驩解史記陳平家

貧以席為門然門外多長者車轍班彪家有賜書好古

之士自遠方至父黨楊子雲以下莫不造門班固桃李不

言下自成蹊李廣役物以為養任智而不恃力此其所以

為貴也

刑法志

天下學士靡然嚮風

公孫洪傳並西漢

仲尼修禮興

學於洙泗之間四方俊髦靡然向風

晉戴逵傳

傳記

砥礪之旁多頑鈍

雜說

賈逵口誦經文以教人贈遺

王勃能文請者甚

者盈積或云達非力耕舌耕也

拾遺記

王勃能文請者甚

眾金帛盈積人謂心織而衣筆耕而食

張著翰林感事

集

蓬居窮巷軒冕結轍

陳子昂集

一時皆慕與之交諸公要人

爭欲令

我門下

韓愈作柳宗元墓誌

衡鏡高懸文武矯首

本朝

此人如精金美玉不即人而人即之

東坡書

譬如

張說

不鞭而來無脛而至爭奇騁怪為公服中之物

糖文

止水之在槃豈復勞心而鑒物

東坡賜呂公著乞相罷不允批答

與人為地

子為淵毆魚者獺也為叢毆雀者鷗也為湯武毆民者桀

記卷四

與紂也

孟

將為胙篋探囊發匱之盜而為守備則必攝緘

滕扁鐻然巨盜至則負匱揭篋擔囊而趨惟恐緘滕扁鐻

之不固也

莊互入事此意表

鄭人有薪於野者遇駭鹿御而繫之

斃之恐人見之也遽而藏諸隍中覆之以蕉不勝其喜俄

而遺其所藏之處遂以為夢焉順塗而詠其事傍人有聞

者用其言而取之既歸告其室人曰向薪者夢得鹿而不知

其處吾今得之

列周穆王

六國蚩蚩為羸弱姬

揚重黎

魏田父得

玉徑尺以告隣人隣人詐之曰此怪石也蓄之非利其家

田父猶豫以歸置于廡下其玉明照一室大怖遽棄之於

遠野隣人取之以獻魏王魏王召玉工相之曰此無價魏

王賜獻玉者千金食大夫祿

尸文互

項是大漢之階也四逆不興則三順不勝也

周生屠者藿

羹車者步行陶人用缺盆匠人處狹廬

淮南

史忌將士以資敵國此伍子胥所以鞭荆平之墓也史傳

諸將偶語雍齒先封西漢張良傳秦張誅謗之罔以為漢毆除

帝漢成謝琨女夫殷叡好樗蒲奪其妻妹及伯母兩姑之分

以還戲債裁譏之曰謝氏累世財產充殷君一朝戲債晉

祖常以三分勞筋苦骨之人奉七分待衣坐食之輩唐憲宗並

鑿隋貯洛口倉而李密因之積布帛東都而王世充據之

唐書馬周傳

傳齊欲伐魏淳于髡曰韓盧天下之疾犬東郭逡天下

之狡兔盧逐逡環山者三騰山者五兔極於前犬廢於後

犬兔各死田父見而擅其功戰國策互入貪功

集董卓稱亂徒籍羣雄之手王莽偷安卒成光武之業梁

魏魏文恭徽假手于羸以混諸侯憑力于項以離關東柳漢原廟銘

莫養瘦馬駒莫養小妓女後事在目前不信君看取馬肥

快行去妓長能歌舞三年五載間已聞換一主昔聞新舊

主誰樂誰辛苦白侍郎即互入微戒賓客歡娛童僕飽始知官職為

它人白集互入省悟及勞已為人歌舞教成心力盡一朝身去不相隨

郎白侍郎匠刀者不必自用割匠弓者不必自用射唐文戰士

風霜苦將軍雨露新杜荀燕趙之收藏韓魏之經營齊楚

之精英幾世幾年剽掠其人倚疊如山一旦有不能輸來

其間杜牧之蘇代曰臣過小水見小蟀房出暴而鷓啄其

肉蟀合而挾其喙鷓曰今日不雨明日不雨必見蟀脯蟀

亦曰今日不出明日不出必見死鷓兩不相捨漁父行而

併擒之春秋後語互入相鬪相損

本朝借寇兵而資盜糧隸坡有小丈夫者得一金櫝而藏

諸家拒戶而守之嗚呼是求不失富也非求富也大盜至

劫而取之又烏知其果不失也蘇

坐享人利

經 維鵠有巢維鳩居之詩鵠巢五入蒙成

子 未嘗稼穡粟滿倉未嘗蠶絲滿囊淮南子

史 略其武夫以為已腹心股肱爪牙成十雖楚有材晉實

用之襄二左鄭國曰臣為韓延數年之命然渠成亦秦

萬世之利也通鑑第六韓廬東郭自困於前而為田父之獲者

也東漢袁譚傳蜀楊顛曰今有人使奴執耕稼婢典炊爨雞主

司晨犬主吠盜牛負重載馬涉遠路私業無曠所求皆足

雍容高枕飲食而已三國志傳唐高祖曰徐觀蚌鵲之勢以收

漁人之功隋恭帝紀李密因洛口之食王世充據東都布

帛唐書馬周傳鵲蚌相持我乘其敝通鑑梁高祖

傳記 兩虎相鬪鴛鴦犬受其弊戰國策

本義 力生於所激而不自為力故不勞形生於所遇而不

自為形故不窮東坡清風閣記秦收鄭渠成晉得楚材多山谷集

殊塗同歸

經 天下同歸而殊塗易繫辭下為善不同同歸于治為惡不同

同歸于亂書蔡仲命子夏既除喪而見予之琴和之而不知

彈之而不成聲作而曰哀未忘先王制禮而弗敢過也子

張既除喪而見予之琴和之而和彈之而成聲作而曰先

王制禮不敢不至焉檀弓經禮三百曲禮三千其致一也

禮 或生而知之或學而知之或困而知之及其知之一也

或安而行之或利而行之或勉強而行之及其成功一也

道並行而相悖並出入中庸並記微子去之箕子為之奴比

干諫而死子曰殷有三仁焉論語

子庠者養也校者教也序者射也夏曰校殷曰序周曰庠

學則三代共之皆所以明人倫也滕文公禹稷當平世三過

其門而不入顏子當亂世居於陋巷孟子曰禹稷顏回同

道禹稷顏子易地則皆然離婁夏后氏五十而貢殷人七

十而助周人百畝而徹其實皆什一也滕文公曾子居武城

有越寇或曰寇至盍去之諸曰無寓人於我室毀傷其薪

木寇退則曰脩我墻屋我將反寇退曾子反子思居於衛

有齊寇或曰寇至盍去諸子思曰如汲去君誰與守孟子

曰曾子子思同道曾子子思易地則皆然離婁居下位不

以賢事不肖者伯夷也五就湯五就桀者伊尹也不惡污

君不辭小官者柳下惠也三子者不同道其超一也一者

仁也並孟子子路極弱而受牛謝孔子曰魯國必好救人於

患子贛贖人而不受金於府孔子曰魯國不復贖人矣子

路受而勸德子贛讓而止善齊俗訓互入 踰越者或以舟

或以車雖異路所極一也淮南子非其君不事非其民

不使治則進亂則退伯夷也何事非君何使非民治亦進

亂亦退伊尹也可以仕則仕可以止則止可以久則久可

以速則速孔子也皆古聖人也孟公孫臧與穀二人相與

牧羊而俱亡其羊藏則挾策讀書穀則傳塞以遊二人者

事業不同其於亡年均也辨北犧導溝中之斷美惡有間

其於失性一也地祖梨橘柚其味相反而皆可於口並夫織者日以進耕者日以却事相反成功一也 百川異

源同歸於海並淮塗雖曲而通諸夏川雖曲而通諸海事

雖曲而通諸聖問仲尼之道猶四瀆也經營中國終入大

海並君子

並楊

海

史晏子儉矣夷吾則奢齊桓以霸景公亦治史自太廣行

無部伍行陣就善水草舍止人人自便不擊刁斗以自衛

莫府省約文書然亦遠斥埃未嘗遇害程不識正部曲行

伍營陣擊刁斗士吏治軍簿至明軍不得休息然亦未嘗

遇害通鑑漢武紀

三仁殊而一致夷惠并而齊聲西漢班固魏高

允稱常爽訓厲有方曰文翁柔勝先生剛克立教雖殊成

人則一通鑑宋文紀

唐史臣稱崇善應變以成天下之務環善

守文以持天下之正二人道不同同歸于治宋環贊互入

巡先死不為遽遠後死不為屈唐本贊並

傳記

宓子賤治單父彈鳴琴身不下堂而單父治巫馬期

以星出以星入日夜不居以身親之而單父亦治呂氏春秋一見

韓書外傳入政事

集夫公河而下苟不正雖疾遲必至於海韓文把桂殊姿而

其芳珪璋異質而同潤呂和殊趨而一致異派而同源

皇甫釋宗稱定慧儒師者誠明派分示三教理詣無二名

吾君用大和理萬物動靜各隨其宜則陳力以致用潔身

以弘教其致一也並李義山雖羈鸞冥鴻一飛一籠遐心遠意

終共超曠歐陽文

傳記昔者孟子不願召見而孔子不辭小官夫欲正其所

由得之之名是以謹其所以取之之故孟子不為矯孔子

不為卑老蘇集陳平聽張辟疆許王諸呂吕后安之故平與

周勃得執將相之柄以伺其間唐武后欲以武三思為嗣

狄仁傑曰母子與姑姪孰親陛下立廬陵王則千秋萬歲

後血食於太廟無耐姑之禮后感悟樂城牛鐸調與黃鍾

同小蟲心在一啄間得失與世同輕重並山蟻之九蟻

之粒與夫承蜩貫虱者同一心之功用也螳螂之斧莎雞

之羽與夫扛鼎拔山者同一心之力用也工倕之削輪扁
之斲庖丁之牛與夫堯舜禹湯之治天下同一心之妙用
也集道臧穀雖殊竟兩忘讖

記纂淵海卷四

記纂淵海卷第五

論議部之五

同出異趣

性之與情猶波之與水靜則是水動則波中庸禮之於

仁也猶酒之有藥也君子以厚小人以薄禮運互入事

奕秋誨二人奕一人專心致志惟奕秋之為聽一人雖

聽之一心以為有鴻鵠將至思援弓繳而射之雖與之俱

學弗若之矣 舜麥播種而擾之其地同樹之時又同澇

然而生至於日至之時皆熟矣雖有不同則地有肥磽兩

露之養人事之不齊也並孟告干越夷貊之人生而同聲

長而異俗教使之然也荀勸孔子墨子俱法堯舜而取舍

不同 瓚清之為明杯水而見眸子濁之為闇河水不見泰

正卷五

山離楊子曰吾於荀卿見同門而異戶也楊

傳記學者如牛毛成者如麟角蔣子萬機論絲俱生於蠶為

繒則賤為錦則貴姚信士緯

集子雲相如同工異曲離學少長聚嬉戲不殊同隊魚年

至十二三頭角稍相疏二十漸乖張清溝映汗渠三十骨

骼成乃一龍二猪飛黃騰踏去不能顧蟾蜍並韓生歸蘇

屬國死別李將軍讎落生為並蒂花亦有先後落唐文粹

離合無親疎

投戈散地則六親不能相保同舟而濟則胡越何患乎

異心易畧

多助之至天下順之寡助之至親戚叛之猛松孫自其

異者視之萬物皆一也莊行合趣同千里相從從趣不合

行不同對門不通淮南

史意合則胡越為昆弟田余子臧是矣不合則骨肉為仇

讐言朱象管管是矣鄒陽書互入白頭如新傾蓋如故知與

不知也鄒陽傳並西漢盡下則胡越同心輕物則六親離德唐太宗

德澤洽則四夷可使如一家猜忌多則骨肉不免為讐敵

並通鑑唐太宗

傳記同聲則異叩而相應意合則未見而相親大戴禮愛保傳篇

而利之四海之內若合一家不愛而利之子或殺父況天

下乎韓詩外傳東門先生居蓬戶空穴之中而魏公子一朝以

百騎日寵之呂望未嘗與文王同席而坐一朝議以天下

半大丈夫相知何必以撫塵而遊垂髮齊年偃伏以日數

哉陳方白頭如新傾蓋而故新序互入

集結交在相知骨肉何必親古歌物情苟有合莫問玉與

泥韋應物集志合者蓬心可採情諧者蘭味寧忘駱賓王人生意

氣豁不待相逢早藹藹桑麻交公侯為等倫杜情思

附則感而悅之雖仇讐化為心膂矣意不親則懼而阻之

雖骨肉結為仇讐矣陸宣公集得之者江海比隣失之者肝膽

楚越唐徐彥伯論

本朝相知不必因相識臨川集賢白頭無故意異代有同音

唐陳后山互入事反所料但使聖魏之相契即如臣主之同時昔馮論

頗牧之賢則漢文為之太息相條晁董之對則孝宣以致

中興東坡進陸贄奏議劄子

責望有重輕

子越人關弓而射之則已談笑而道之無他疏之也其兄

關弓而射之則已垂涕泣而道之無它戚之也嵇同室之

人鬪者救之雖被髮纓冠而救之可也鄉隣有鬪者被髮纓冠而往救之則惑也雖閉戶可也並孟

任理不任情

禮愛而知其惡憎而知其善曲禮拜下禮也今拜乎上泰也雖違眾吾從下子罕互入轉紂之不善不如是之甚也張

並

史子貢喜揚人之美不能隱人之惡諛不虛美不隱惡漢

司馬遷贊曹操勲勞宜賞不吝千金無功望施分毫不與通鑑

志昔屈到嗜芟屈建去之以為不可以私欲干國之典通鑑

齊太

傳記所憎者有功必賞所愛者有罪必罰太公

集譬如親骨肉寧免相可否韓文當其賞雖三旌之貴萬鍾

紀卷五

之祿咸曰宜何也為善而然賞其罰雖族屬之夷刀鋸之

慘咸曰宜何也為惡而然也勿矜朱門是陋此白屋

非並劉賓登奉常之第者未必盡能文章為牙門之將者

未必盡其威敵唐文

本朝天下之事固有出於不幸者矣苟有可以用於世者

不必聖賢之作也蚩尤作五兵紂作漆器不以二人之惡

而廢萬世之利也歐公君實嘗為人曰吾與景仁兄弟也

但姓不同耳然至於論鍾律則反覆相非終身不能相一

溫公若無天下議美惡併成空語石山

任情不任理

經困水行舟書益泉盪舟語問俾出童殺詩賓之

子匿為物而愚不識大為難而罪不敢重為任而罰不勝

遠其塗而誅不至，矧以舟之可行於水也，而求推之於陸，

獸兩喜必多，溢美之言兩怒必多，溢惡之言人私意互天

下莫大於秋毫之末，而泰山為小，莫壽乎鳩子，而彭祖為

天並莊論

立直木而求其影之枉也，立枉求而求其影之

直也霸王責三光不照於覆盆之內抱朴辯問互責疲者

以舉千鈞責兀者以及走鬼鄧折子聽虛而責響視空而

索影攷子

史董仲舒曰：不琢玉而求文采西漢本傳以毀譽為榮辱，不核

其真以愛憎為利害，不論其實以喜怒為賞罰，不察其理

上下相冒，萬事乖錯漢光武紀言論者計厚薄善惡，美於眾聲

功罪亂於王法漢光武紀曲表而欲直，影卻行而欲求及

前人也東漢楊賜傳

傳記若夏之日而欲夜之長也，說范羣邪相抑以曲為直

陸賈新語

集謂鑊耶為鈍，斧鈇刀為銛，贖贖責冬之裘者曰曷，不為

葛之之易也，責饑之食者曰曷，不為飲之之易也韓文道天

下無正聲悅耳，即為娛人間無正色悅目，即為姝白集蓼

藥為甘，山岳為輕沈下日月至明，或以為昏，秋毫之微，或

尚有容力

本朝女無美惡，富者妍，士無賢不肖，貧者鄙王局文

經若火之燎于原，不可嚮邇，其猶可撲滅。若顛木之有

由藥並書盤雖無成，老人尚有典刑詩往者不可諫，來者

猶可追語

子木雖蠹，無疾風不折；墻雖隙，無大雨不壞管

史圖王不成其弊猶足以霸東漢魏補衣猶有完通鑑四

傳記晉平公問於師曠曰吾年七十欲學恐已暮師曠曰

老而學者如炳燭之明炳燭之明執與夜行說苑見鬼而顧

犬未為晚也亡羊而補牢未為遲也春秋後語

集典刑未滅故老猶存選辨亡論

無所用力

經若火之燎于原不可嚮邇書盤庚上互不可救藥詩板

子桀紂在上雖有十堯不能治者世亂韓良匠不能斲金

巧冶不能鑄木 載重而馬羸雖造父不能追急並淮南譬

諸琴瑟鄭衛調俾變因之亦不可以致蕭韶矣 航人無

楫如航何楊子寡見無聲雖師曠側耳將何聞乎無形雖離婁

並照將何觀乎孔叢良工不能琢冰子中盛陽不能榮枯朽

上智不能移下愚花林金冊

中疾不可為也在盲之上膏之下攻之不可達之不及藥

不至焉不可為也成十年互本弱者其技木必披非人力

所能強為莊六天之所廢誰能興之懷二左三大車不較

不能載其常任琴瑟不較不能成其五音齊世河決不可

復壅魚爛不可復全秦始皇本紀天下無災害雖有聖無人無

所施其才上下和同雖有賢者無所立功東方朔史羽翼已

成難動搖矣張良雖有堯舜之德智無所施賁育之勇力

不得設魏明帝並通鑑執垂之規矩無工與材坐而待器之成終

不可得也唐高祖有才無學猶巧匠無榘楠斧斤不能成室

唐書劉知幾傳

集影不可遂響難為繫陸機賦素水象玉難可磨蕩曹植利

盡萬物不能敵童昏之心連珠毫髮一為瑕丘山不可勝

選白空柯無刃公輸不能以斲但懸曼矰蒲苴不能以射
四子講吞縱之強不能反蹈海之心漂鹵之威不能降西

山之節選班雖巧不能為乞巧者之顏王郎語補一壞
百無可施功陳子昂雖令伶倫吹音韻難可改雖令巫咸招

魂爽難復在韓文舜之德可以及率土而不能化其子與楊
書唐虞之仁不能柔秦漢之勇不能威柳承積弊之餘雖

使李冉將不能也皇甫湜天疾難自醫孟東野黃河既濁阿膠
無以正其色鹽池斯鹹弊策不能匡其味唐文粹

本朝衝風振河海不能號無竅坡詩互入巧手莫為無麵
餅山陳後

處得其地

經陰爻雖賤而為一卦之主者處其至少之地也易畧鳳

凰鳴矣于彼高岡梧桐生矣于彼朝陽詩卷阿互入

子射干莖長四寸生於高山之上而臨百仞之淵木莖非
能長也所立者然也 順風而呼聲非加疾而聞者彰登

高而招臂非加長而見者遠並荀勸學互入

史自繆公以來至於秦王二百餘年常為諸侯雄豈世賢
哉其勢居然也紀秦百人守險千人不敢過也並蘇秦傳

傳記一圍之木持千鈞之屋五寸之鍵而制開闔豈材足
任哉所居要也說苑朱買臣曰一人守險千人不得上漢

集儒雅之徒則處龍鳳之署選博奕論劍閣崢嶸而崔嵬一夫
當關萬夫莫開李道難蜀一夫怒臨關萬夫未可傍杜詩互

五達之井百汲而盈科未必涼而甘所處之勢然也劉賓客
鬼谷曰子不見嵩岱之松柏乎上枝干於青雲下根通於
三泉千秋萬歲不逢斤斧之患此木豈可天地有骨肉所

居然也

盧般祐高士傳

本朝

路窮斤斧絕松桂得干霄棟不畏浮雲遮望眼自

緣身在最高層

臨川

記纂淵海卷第五

記卷五

七

記纂淵海卷第六

論議部之六

處非其地

子如以朝衣朝冠坐於塗炭孟萬處勢不便未足以逞其能山尋常之溝巨魚無所旋其體而鯢鱗為之制步之丘巨獸無所隱其軀而夔狐為之祥庚桑楚篇互並入水之勝火亦明矣然而釜鬲間之水煎沸盡其上而火得熾盛焚其下水失其所以勝者矣韓非使目在足下則不可以視尹

史吳季札曰夫子孫文子之在此也猶燕之巢於墓上

左襄二漢武曰生子當置之齊魯禮義之邦乃置之燕趙果有爭心不讓之端見矣王世家褚先生論貧下

未易居上流多謗議司馬遷傳互入揚雄作酒箴曰觀瓶

之居居井之湄譎處高臨深動常近危一旦車礙為甍所輻身提黃泉骨肉為泥陳遵傳儒者當謀謨廟堂反在朝

歌耶後漢虞詡傳時蜀先主曰芳蘭當門不得不鋤蜀志晉趙至與嵇叔夜書曰植橘柚於玄朔蒂華藕於脩陵晉書王

羲之與謝萬書曰以君邁往不屑之韻而俯同羣辟誠難為意也晉書

傳記鬼谷曰子不見河邊之樹乎僕御折其枝風浪盪其根此木豈與天地有仇怨所居然也鷓士吞舟之魚陸處

不勝螻蟻呂氏春秋
集騁騏驥於中庭焉能極夫遠道置猿狖於櫺檻兮夫何以責其捷巧楚辭互入劍閣雖嶮憑之者蹶非所以深根

固蒂也魏都賦步武之間不足以騁跡吳季魚游於沸鼎之

中燕巢於飛幕之上兵希範所棲不足恃鷹隼縱橫來詩柳

金屑雖珍在眼為病鮑詩集孤松停翠蓋託根臨廣路不以

險自防遂為明所誤文柳

本朝神竒之產銷藏委翳於蒿藜榛莽之間而山居野叟

不復知其為瑞也臨川集互

勢力不敵

經湛湛露斯匪陽不晞雨雪漉漉見睨白消角弓互入

詩並

中猶以一杯水救一車薪之火殆一齊人傳之眾楚人咻

之雖日撻而求其齊也不可得矣勝文公互入獨日月出

矣而燭火不息其於光也不亦難乎時雨降矣而猶浸灌

其於澤也不亦勞乎莊互入不猶鳥獲與焦僂搏也出富

國以桀詐堯若卵投石並撮壤不能填決河升水不能冷

原火抱朴

子牛雖瘠債于豚上其畏不死昭十雖其善祝豈能勝億

兆人之詛昭二十年驅群羊而攻猛虎虎之與不格明矣

張儀傳互齊景公二十二年彗出公曰可禳乎晏子曰使

神可祝而來也百姓怨而萬數而君令一人禳之安能勝

眾口乎齊世家垂千鈞之重與鳥卵之上必無幸矣通鑑

紀此難以口舌爭也張良猶驪駒之襲狗爪豚之咋虎至

則靡耳何功之有陳方萬鈞所壓无不糜滅賈山羔犢

之弱而杆虎狼之敵漢景雖有孫吳將賁育士若入水火

往必焦沒智勇亡所施漢成賈誼曰淮陽之比大諸侯履

如墨子之着面適足以餌大國而不足以有所禁禦漢文

通鑑劉陶曰猶冰霜見日必至消滅東漢以嬰孺鬪賁育也

新唐書陸贄傳論

傳記 猶棘木螢耀與夫榑木龍燭也山海經榑木長千里夫鵬雛之始飛為鷹所制孔氏志

集 河決潰全隄隻手不能障晉傳玄塵篇大厦既焚不可洒之以淚長河一決不可障之以手連珠信一君子愛之百小人妬之一愛固不勝於百妬皮日威力不敵群噪先益糖文

醯雞不能混雷霆嬰兒不能抗烏獲者響音與力懸故也陸望捧燭火以千日御動已光銷抱布鼓以詣雷門忽然聲

寢李義山集

勢均力敵

經 諸侯不臣寓公柳特下大夫於上大夫承賀玉藻並禮記

子 天下地醜德齊莫能相尚猛兩堯不能相王兩桀不能

記卷六

相亡管兩貴之不能相事兩賤之不能相使荀兩智不能相救兩貴不能相臨兩辯不能相屈力均勢敵故也尹智均不相使力均不相勝神兩堅不能相加兩強不能相伏

淮南子

史 我能往寇亦能往 宣伯曰魯之有季孟猶晉之有欒

范也魏其力敵勢均終相吞噬晉安

劉琨祖逖並有英氣每相謂曰若四海鼎沸豪傑並起吾

與足下當相避於中原耳晉書祖逖傳人得抗衡莫相稟屬唐德

宗中尉大臣也宰相亦大臣也唐文紀

獨力難舉

子 一薛居州獨如宋王何 一齊人傳之衆楚人咻之雖日撻而求其齊不可得矣 萬室之國一人陶則可乎

子欲手援天下乎孟並千鎰之裘非一狐白璽任一人力者則烏獲不足恃淮南王術

史千金之裘非一狐之腋索榭之椽非一木之枝史記通傳

傳記一目眈則不明一耳聽則不聰欽公

衆力易成

經爲命裨謀草創之世叔討論之行人子羽脩飾之東里子產潤色之語憲問互入

子馬蚘斬足而復行何也以其輔之者衆家語在王所者

長幼卑尊皆薛居州也王誰與爲不善孟萬人彎弧以向

一鵠能無中乎劉積力之所舉則無不勝也衆知之所爲

則無不成也淮南子江河之水非一源之流理

史衆心成城國吐谷渾王阿柴疾召諸子二十人各獻一

箭與其弟使折之其弟折之又取十九箭使折之不能折

阿柴曰汝知之乎孤則易折衆則難摧汝曹戮力一心然

後可以保國寧家通鑑晉紀互入

傳記天下無粹白之狐而有粹白之裘呂氏春秋

集百足之蟲至死不僵以扶之者衆也曹問六代論猶衆

壑合注需爲大川羣山出雲混成一氣呂和

以粗化精

經它山之石可攻玉詩鶴

子塵垢秕糠將猶陶鑄堯舜者也莊道

史攻玉以石洗金以鹽濯錦以魚浣布以灰失物固有以

賤理貴以醜化好者矣東漢王符傳

本朝與善人處壞了人須是與不善人處成就得人伊劄
君子與小人共處為小人侵陵則脩省畏避動心忍性增
益預防老泉文互入

化惡為美

經翩彼飛鷁集于泮林食我桑甚懷我好音泮水周原撫
董荼如飴謹

子雖有惡人齋戒沐浴則可以祀上帝孟

史沙磧化為南金瓦石變為和玉後漢劉夫飛鷁天下賊
鳥及其在林食楛則懷我好音魏志

本朝自古奇偉之士如周處戴淵之流皆出於群盜改惡
脩善不害為賢東坡代李琮論京東盜鈔鐵性殊點化為

金則不辨鈔鐵之性鳴道

性理不傳

經民可使由之不可使知之語泰

子梓匠輪輿能與人規矩不能使人巧孟子盡鑿枘之龐伎

而輪扁有不傳之妙掇蜩之薄術而偃僂有入神之巧柳
對輪扁曰得之於手而應於心口不能言有數存焉於其

間臣不能以喻臣之子臣之子亦不能受之於臣莊天

史李廣天性善射雖子孫它人學者莫能及心之精微
口不能言也言之微妙書不能文也張敞傳垂能自制方

圓心度曲直然不能教人通鑑唐

傳記司馬太傅問謝玄惠子五車何以無一言入玄謝曰

當是妙理不傳世埒有常徑的有常所雖每發轍中非至
妙也若馳平原赴豐草要校獸截輕禽使弓不虛響所中

必洞斯則妙矣論隋末王靈學射於督謨以為盡妙欲射
殺謨獨擅其美謨持短刀箭來輒截之惟有一矢謨張口
承之遂齧其鏑笑曰學射三年未教汝齧鏑去陽維試西
集妙不可盡之於言事不可窮之於筆鄒璞輪扁不能言
微於其弟伯樂不能語妙於其子籟古之君天下者化之
不示其所以化之之道及其弊也易之不示其所以易之
道韓

本朝糟粕所傳非粹美丹青難寫是精神煉如蕭何之
識韓信此豈有法而可傳者哉棟坡丹青妙處不可傳輪
扁斲輪如此用訕谷

自得三昧

子理義之悅我心猶芻豢之悅我口猛庖丁曰始臣解牛

之時所見無非牛者三年之後未嘗見全非也方今之時
臣以神遇而不以目視 庖丁為文惠君解牛手之所解
肩之所倚足之所履膝之所踣砉然響然奏刀騞然莫不
中音合於桑林之舞乃中經首之會並莊養生注其因
理之其適牛得之於響應之於手得之於手應之於心列
理合音節卸人聖墁其鼻若蠅翼使匠石斲去之匠石運斤成風盡
聖其鼻不傷 梓慶削木為鐻見者驚猶鬼神並屠牛
垣一朝解九牛而又可以剝毛庖丁為刀十九年又如新

史介葛廬間牛鳴曰是生三犧皆用之矣其音云問之而

信左僖二屠千坦一朝解十二牛而芒刃不頓所排擊剝
皆中理解也價誼牙曠清耳於管絃離婁眇目於毫分逢
蒙絕技於弧矢班輸推巧於斧斤良樂軼能於相馭烏獲

抗力於千鈞，蘇鵲發精於鍼石，研桑心計於無垠。班固叙傳並西

漢謝安每言陶公雖用法而恒得法外意。通鑑晉紀裴子野

曰為文人皆得於手，我獨得於心。南史本傳賈堅字世固

彎弓三石餘，烈祖以堅善射，故親試之，乃取一牛置百

步上，召堅使射，曰能中之乎？堅曰：少壯之時能令不中，今

已年老，正可中之。恪大笑，射發一矢，拂脊，再一矢，磨腹，皆

附膚，落毛上下如一。恪曰：復能中乎？堅曰：所貴者以不

中為奇中之何難？一發中之，堅時年六十餘矣。觀者咸

服其妙。燕書通鑑九卷亦載

傳記 長沙僧懷素好草書，自言得草書三昧。李肇國史補廣漢

翁偉能聽鳥獸之音，乘蹇馬之野，布田間有放馬者，相去

數里，鳴聲相聞。翁偉謂其御曰：彼放馬目眇，其御曰：何以

知之？曰：罵此轅中蹇馬，蹇馬亦罵之曰：眇馬御者不信，使

往視之，馬目果眇。衡論

集 弓不虛發，應聲而到。子虛賦如畫宮於堵，盈尺而曲盡

其制，計其毫釐而構大厦，無進退焉。柳文梓 弓矢入養叔

之手，微絃在師曠之膝，何微之不中？何妙之不盡？歐陽文陶

士冶鑄匠成於心。崔鑠碑韓幹之馬，籍籍知名，薛稷之鶴

翩翩有聲。鮑侍如良庖投刃無復肯綮。唐文粹互

本朝 至誠天下樂，終日在几案。歐公道子畫人物，如以燈

取影，逆來順往，旁見側出，橫斜平直，各相乘除，得自然之

數，不差毫髮，出新意於法度之中，寄妙理於豪放之書。坡

道子所謂遊刃於地，運斤成風，垺付八音於師曠，孰敢爭

能捐六轡於王良，坐將致遠。東坡信手斫方圓，規矩一

中節。山谷

記纂淵海卷第六



事理倒置

經以妾為妻以孽代宗韜俾晝作夜詩並故不愛其親而

愛他人者謂之悖德不敬其親而敬他人者謂之悖禮

子庖有肥肉廐有肥馬民有飢色野有餓莩孟

史賤妨貴少陵長遠間親新聞舊小加大淫破義所謂六逆

也隱四婦養姑者也虧姑以成婦逆首大馬壤左年鸞鳳

伏竄兮鴟梟翔翔關茸尊顯兮讒諛得志賢聖逆曳兮方

正倒置謂伯夷貪兮謂盜跖廉史猶塞川源而為潢

汗趙貨本末舛逆首尾衡決賈誼傳荀悅曰簡父兄之尊

而崇賓客之禮薄骨肉之恩而篤朋友之愛略脩身之道

而求眾人之譽割衣食之業以供饗宴之好通鑑汲黯曰

陛下用群臣如積薪後來者居上西漢群小得志士大夫

皆喪氣通鑑足反居上首顧居下倒懸如此莫知能解

猶為國有人乎非豈倒懸而已贖誼今世俗謂不智者為

能謂智者為不能鮑宣聽納小吏雕啄大臣朱雲鷹隼橫

厲鸞鸞徘徊兮息夫論大道則先黃老而後六經司馬遷傳

楊賜曰冠履倒易陵谷代處保字螟蛉刺拉同氣宋魏

徵曰隋末百姓疆而陵官吏唐太宗並通鑑倒持太阿授之以柄

唐吳談槽粕棄醇醪

傳記直如絃死道邊曲如鉤反封侯李固怨望

集眾鳥皆有行列兮鳳獨翔而無所薄鳳凰不翔兮鶉

鷄飛揚蔡文黜而出帷兮戎婦人而綵繡服菽藟兮

蔓衍芳藟兮挫枯鵠竄兮枳棘鶉集兮惟幄腥臊並御

芳不得薄兮離楚嫫母衣錦西施負薪時太鳳凰在笈兮
鷄鶩翔舞離楚停潦魚招獺空倉鼠敵猫元微鬱鬱澗底松
離離山上苗以彼徑寸莖蔭此百尺條左太中群沙穢明珠
衆草凌孤芳時蘋蘭樵悴兮根莠繁滋麟鳳匿跡兮梟
獍騰威憤匠罷斧兮拙者構之離婁閉目兮瞽者揚眉子
都蒙袂兮敦冶騁姿被日幽桂遺秦管互入馬厭穀兮士
不厭糠粃土被文繡兮士無短褐並韓
本朝 駕駘自飽方爭路騷裹長飢不在閑臨川

清濁不分

經 火炎崑岡玉石俱焚書嗣
子 駕驥同轅玉石相揉孔叢
史 牛驥同皁出西漢李膺請鍾觀曰公何太死皂白馮漢

黃金與土同價南史冠冕隸皂混為一區糖
從風縱火荻芝俱死焦氏

集 玉與石而同櫃貫魚眼與珠璣駕駘雜而不分服罷牛
而驂驥 并茅絲以為索 菟路雜於糜蒸茅絲兮同綜
冠屨兮共絢 同揉玉石兮一槩而相量 苦稱量之不
審兮同權槩而就衡離楚鳳闕悲巢鵬鴉行亂野磨元微
火炎崑嶽礫石與琬琰俱焚嚴霜夜零蕭又與芝蘭共書
論齊竿混夏昭燕石厠琳琅天白樂濫吹混奏於齊竿賈
王昔虞阪之上逸驥與駑駘俱疲吳甯之中孤桐共樵蘇
並唐韋浩然後孟序

本朝 家雞野鴛同登俎天邊鴻鴈不易得便令作對隨家雞

心無二用

采采卷耳不盈頃筐嗟我懷人寘彼周行卷終朝采綠
不盈一掬綠終朝采藍不盈一襜註出

子百里奚爵祿不入於心故飯牛而牛肥莊山林互采易

得之物實易滿之器以懷人寘周行之心貳之則不能滿

荀齊人有欲金者清旦衣冠之市適鬻金者之所因攫其

金而去吏捕得之問曰人皆在焉子攫人之金何故對曰

取金之時不見人徒見金餽註入白刃捍乎曾則目不見

流矢強目不兩視而明耳不兩聽而聰註入逐獸者目不見

太山嗜慾在外則明有所蔽註入夫目察秋毫之末而耳

不聞雷霆之聲耳調金石之聲而目不見太山之高小有

所志則大有所忌註入使左手畫方右手畫圓令一時俱

成雖執規矩之心迴剡剡之手而不能者由心不兩用則

手不並運離婁察秋毫之銳不聞雷霆之聲季子聽清角

之韻不見嵩岱之形註入

史明有所不見聽有所不聞雖賢不能左畫方右畫圓註入

仲舒下帷講誦二年不窺園西漢本傳劉峻勤學行常讀

書不息地存坑坎每常倒蹶然後始悟梁

傳記目察秋毫之末者視不見能太山耳聽清濁之調者

聽不聞雷霆之聲何也唯其意有所偏也說苑賈島為

詩當其苦吟雖逢公卿貴人皆不之覺一日見京兆尹跨

驢不避呼詰之乃釋唐書韓愈褚遂良為太宗哀冊自

朝還馬互入人家而不覺唐詩

集仰面貪看鳥回頭錯應人詩

本朝方其得意於五物也太山在前而不見疾雷破柱而

不驚一居吾將使世人左手運斤而右手執削目數飛

鴈而耳節鳴鼓首肯傍人而足識梯級雖有知者有所不

知

暇矣

東坡大
悲閣記

心隨事移

事物交滑如理亂焚如涉驚浸一則以之怵惕一則以之忌諱一則以之懲宥是則一日之間一時之頃而徑寸之地如炎如冰矣子華人有亡鈇者意其隣之子視其行步竊鈇也顏色竊鈇也言語竊鈇也作動能度無為而不竊鈇俄而相其谷而得鈇它日復見其隣之子動作態度無似竊鈇者列互入事心憂恐則口銜芻豢而不知其味耳聽鐘鼓而不知其聲目眊黼黻而不知其狀輕煖平簾而體不知其安荀昔彌子瑕有寵於君衛國之法竊駕君車罪則彌子母有疾告彌子矯駕君車君曰孝哉為母之故犯刑罪及彌子色衰愛弛得罪於君君曰是嘗矯駕吾

記卷七

車也昔彌子瑕有寵於衛君與君遊於果園食桃而甘以其半啖君君曰愛我哉忘其口啖寡人及彌子暇色衰愛弛得罪於君曰是固嘗啖我以餘桃辨

昔賈大夫惡娶妻而去三年不言不笑御以如臯射雉獲之其妻始笑而言賈大夫曰才之不可以已我不能射汝遂不言不笑左傳八年田單將攻狄見魯仲連曰將軍攻狄不能下也田單曰臣以即墨破亡餘卒破萬乘之燕復齊之墟今攻狄不可何也仲連曰將軍之在即墨坐則織簣立則伏鍤為士卒倡當此之時將軍有死之心士卒無生之氣所以破燕也今將軍東有澠池之奉西有淄上之娛黃金橫帶而騁乎淄澠之間有生之樂無死之心所以不勝也通鑑周赧王十四年子夏聖門之高第也猶且出見粉華盛麗而說入聞夫子之道而樂二者心未能自決而況中

庸以下漸潰於失教被服於成俗乎禮記李廣出獵見草中石以為虎而射之中石没矢視之石也它日射之終不能入矣西漢物之興衰情之起伏理有固然矣而崇替去來之甚者必唯寵惑乎當其接粧第承恩色雖險情贅行莫不德焉及至移意愛析憐私雖患心妍粧愈獻醜焉愛升則天下不足容其高歡墜故九服無所逃其命東漢皇韋曜素飲酒不過二升孫皓初見禮異時常為裁減或密賜茶茗以當酒至於寵衰更逼強輒以為罪志樂廣嘗有親客久闊不復來廣問其故答曰前在坐蒙賜酒方飲見杯中蛇意甚惡之既飲而疾于時河南廳事壁上有角漆畫作蛇廣意盃中蛇即角影也復置酒於前處謂客曰盃中復有所見不答曰所見如初廣乃告其所以客豁然意解沈疴頓愈晉符堅敗于淝水餘衆奔潰聞風聲鶴唳皆以為

為王師至此謝玄傳互入恐懼望風而靡二門

傳記熊渠子夜行見寢石以為伏虎彎弓而射之没金飲

羽下視知其石也因復射一矢躍無跡韓詩應柳為汲

令請王簿杜宣賜酒時北壁上有掛赤弩照於盃中其

影如蛇宣惡之便得疾云蛇入腹後柳使宣於故處設酒

盃中復有蛇因謂宣曰此乃壁上弩影耳非有他怪宣意

遂解風俗芭蕉葉上無愁雨自是多情聽斷腸雅言

集服藥求汗或有弗獲而愧情一集渙然流離終朝未餐

則囂然思而曾子銜哀七日不飢夜分而坐則低迷思寢

內懷殷憂則達旦不瞑勁刷理鬢醇醴發顏僅乃得之壯

士之怒赫然殊觀植髮衝冠文選昔賈氏之如皋姑

解顏於一箭醜夫為之改貌妻為釋怨謝雅居懽惜夜促

在戚怨宵長選情詩互入好惡不同匪外物兮或改固權哀兮情換

潘安自緣今日人心別未必秋香一夜衰唐鄭谷詩謂潤

谷之水深不過咫尺丘垤之山高不踰尋丈人則狎而玩

之及至臨泰山之懸崖窺巨海之驚瀾莫不戰掉悸慄眩

惑自失所觀愛於前所守易於內韓如知無正色愛惡隨

人情白樂天舉食於人當飢渴之望也一飯千金及飲而進

於前雖海陸備鼎顧與糖花齒沈下

本朝唐莊宗問郭崇韜曰昔與吾梁對壘於河上雖初寒

盛暑披甲騎馬不以為勞今吾居深宮陰廣厦不勝

其熱何也崇韜對曰陛下昔以天下為心今以一身

為意艱難逸豫為慮不同勢自然也續世說論八珍

者必噁言糞穢者必唾二者未嘗與我接也唾與噁

何從生哉煉食中有蛆人之見者必嘔也其不見而食

者未嘗嘔也煉生

不拘形跡

經同聲相應高下不必均也同氣相求體質不必齊也易

中初大夫外舉不棄讎內舉不失親左襄二十一年晉魏

獻子為政魏戊為梗陽大夫獻子庶子左昭二年庾亮在武

昌諸佐史商浩之徒乘秋夜往共登南樓不覺亮至諸人

將起避之亮曰諸君少住老子於此興復不淺便據胡牀

而坐與浩等談詠吳中士夫家有好竹王徽之欲觀之

便造竹下諷嘯良久主人灑掃請坐徽之不顧將出主人

乃閉門徽之以此賞之盡懼而去莊黻書傳陶潛既絕州

郡覲謁其鄉親張野及羊松齡龐遵等或有酒要之共至

酒坐雖不識主人亦欣然無忤酣醉便反晉書本傳或

相忘形迹

子樂其俗安其居隣國相望雞狗之聲相聞民至老死而不相往來若此之時則至治已黠魚相忘乎江湖人相忘乎道術並宗師列子乘風而歸曰竟不知風乘吾耶吾乘風耶列黃帝隣國相望雞狗之聲相聞民至老不相往來恍章海上之人有好鷗鳥者每旦之海上從鷗鳥遊鷗鳥之至者百數不止並天瑞莊周夢為蝴蝶俄然覺曰不知周之夢為蝴蝶與蝴蝶之夢為周與莊齊物論田里相距雞犬相聞至老死不相往來蓋自足也立文中

史陶潛絕州郡觀謁其鄉親張野及羊松齡龐遵等或有

酒要之共至酒坐雖不識主人亦欣然無忤酣醉便反本傳互入不拘形迹晉

傳記堯之時有老人擊壤於路曰吾日出而作日入而息鑿井而飲耕田而食帝力何於我哉通曆又見帝王世紀司馬德操嘗造龐德公值其渡沔上先人墓徑入其室呼德公妻子皆羅拜堂下奔走供設須臾德公還直入相就不知何者是客也蜀志龐統傳注載襄陽記

集堯民不自知有堯但見安閑聊擊壤元稹鷄息鳥無疑子孟浩生於天地不知天地之高厚飲於江海不知江海之廣深張說但請主人空掃地自携杯酒莞絃來白樂天

本朝經年不通書子孰知我懶相期宇宙外肯復較繁簡后韓魏公喜用知名之士或不識其面既用之其人亦不知所薦進也批

徒勞無補

經九載績用弗成楚作偽心勞日拙周官猶無報而耕也記

子猶緣木而求魚也 助之長者揠苗者也非徒無益而

又害之孟子及愛適為害朱汗漫學屠龍於支離益單于

金之家三年技成而無用其巧 推舟於陸勞而無功在

史舌弊耳聾不見成功戰國係風搏影終不可得前漢郊

從之如搏影西漢父偃傳陸展染白髮欲以媚側室青青不耐

父星星行復出宋謝靈運傳齒落而不知益儒林梁武窮

心於釋氏簡文銳意於法門傾帑藏以給僧祇殫人力以

供廟塔及乎三淮沸浪五嶺騰煙假餘息於熊蹯引殘魂

於雀鷺子孫覆亡而不暇社稷俄頃而為墟報施之徵何

其謬也通鑑唐

集以直鍼而為釣兮又何魚之能得楚雖家置一啄以自

稱道詬益甚耳文柳徧啄鄧林求一虫虫孔未穿長嘴禿戲

集掬土移山望山盡投石填海望海滿持索捕風幾時得

將刀刈水幾時斷韋應家藏古今帖墨色照箱筥飢來據

空牀一字不堪煮東雖家置一啄以自解金列千金以購

人人必不信謗亦不止諫短綆徒施巧終然莫汲深

譏山炊沙作糜終朝飽諷入海弄沙徒自困永嘉證

不勞餘力

經如取如携詩

子西戎錕鍔之劍用之切玉如切泥焉列湯庖丁解牛奏

刀駭然莫不中音莊蟻薄水當白日藁毛遇猛火瓊

史張耳陳餘杖馬箠下趙數十城 鄜生伏軾下齊七十

餘城傳本以鴻毛燎於爐炭之上荆軻譬六驥過決隙也

李斯傳舉秦如鴻毛取楚遺拾如反覆手陸賈腐肉之齒利

劍也枚乘猶以強弩射且潰之癰韓文取青紫如拾地芥

顏傳譬之蚊蝱之螫毆之而已巖尤摧枯朽者易為力表

漢摧枯折腐軼奔猶順驚風而遇鴻毛也馮衍易於太山

破雞子輕如四馬載鴻毛也魏王猶以利刃齒腐朽賢

鼓洪爐燎毛髮何進摧強易於折枯消堅易於湯雪皇輔

若舉炎火以焚飛蓬覆滄海而注熛炭劉表傳陳琳無異

迅風之振秋葉東漢排山壓卵以湯沃雪列女勢如沃雪

事等注熒景杜預曰兵威已振譬如破竹數節之後迎

刃而解註晉以火吞小猶豺狼之食豚也晉穆譬如以駒

犢鬪虎狼也何懼之有晉宋隋帝曰取爾如籠內鷄雛耳

陳紀並

傳記決江河而灌熒火磨蕭斧而伐朝菌讖使豺狼逐群

羊也 以千鈞之弩射潰癰 墮千鈞之重集於鳥卵之

上必無幸矣 馳韓盧而逐蹇兔也並戰

集若縱火於秋蓬 執棠谿以荆蓬注利劍也 秉干將

以割肉注亦利劍也並楚順風而縱烈火曬白日而掃朝

雲也曹植論若駭鯨之決細網奔兕之觸魯縞未足以喻

其易陳孔落葉俟飛風以隕而風之力蓋寡陸士衡豪猶

烈火之燔秋蓬衝飈之掃落葉也晉虎文若譬猶迴太陽

以消湛露運滄海以灌燎火庚亮顛木之餘枿瘖疽之遺

種斧折欲加而先折鍼石未攻而自潰白傳因雲灑潤則

芳澤易流乘風載響則音徹自遠陸機演必有餘刃如烹

小鮮操刃決滯若駭有聲白傳霜風冽冽摧朝菌 連年

收科第若摘領底髭韓文衆輕鬪蟻勇劣怒蛙織縞當強弩之初孤豚償肥牛之下事同拾芥力易摧枯杪忽蜂腰虛見辱於齊斧突梯鼠首濫欲寄於旋頭柳表餘力一揮應手糜碎柳文洪爐煮炭燎一毛大鼎煩湯沃殘雪韓應太山壓卵鴻毛在爐陳子覆暴如風振槁葉裴度撰如淬鋒潰疣決防注水陸宣公文以赤刀效小割皇甫湜五人摧枯燬雪如摧枯株如搏蓄兔如利刀之破朽索並唐文粹

勢不可恃

史四嶽三塗太室荆山終南九州之險也是不一姓冀之北土馬之所生無與國焉恃險與馬不可以爲固也從古而然是以先王務脩德音以亨神人不聞其務險與馬也左昭夫卻昭子其富半公室其家半三軍恃其富寵以泰

于國其身尸於朝其宗滅于絳不然夫八卻五大夫三卿其寵大矣一朝而滅莫之哀也唯無德也國語穰侯昭王親舅也秦所以東盆地稱帝穰侯之功也穰侯貴極富溢一夫開說身折勢奪况於羈旅之臣也史本夏桀殷紂手搏豺狼足追四馬勇非微也權非輕也秦二世力非弱也勢非寡也其威盡勢極閭巷之人爲敵國史記旦握權則爲卿相夕失勢則爲匹夫西漢揚雄傳權族好傾東漢陰屈丐蒸土築城而朕滅之豈在城也宋高祖王晞曰人主恩何由可保萬一披猖求退無地通鑑

傳記鴻鵠冲天豈不高哉矰繳尚得而加之虎豹爲猛人尚食其肉席其皮正說魏武侯浮西河而下中流謂吳起曰美哉山河之固此魏之寶也對曰在德不在險昔三苗氏左洞庭而右彭蠡德義不脩而禹滅之夏桀之居左河

濟而右太華伊闕在南羊腸在北脩政不仁而湯放之殷
紂之國左孟門而右太行常山在其北大河經其南脩政
不德而武王伐之由此觀之在德不在險若君不脩德
中之人盡敵國也武侯曰善說晉有河華九阿而奪於六
卿齊有太山巨海而脅於田常桓寬鹽
集隆隆者絕炎炎者滅蠲洞庭雖峻負之者北魏都不見
三公後寒飢死驢韓文作書報鯨鯢勿恃風濤勢濤落歸泥
沙翻遭螻蟻噬李太白互日近恩雖重雲高勢却孤翻身
落霄漢失脚倒泥塗白侍郎榮難久籍唐文粹剪袖恩雖重殘
桃愛不終劉遵詩

明不可恃

子豈惟形骸有聾盲哉夫知亦有之莊

史智者千慮必有一失西漢韓信傳

集智有所不明數有數不逮神有所不通魏智亦有盲聾

衆不可犯

史衆怒難犯 犯衆興禍並讓衆怒如水火焉不可爲謀
三年衆之所爲不可好也並玩年灌夫罵坐西漢衆之所
怒在於不平通鑑

人生罔測

子傅說舉於版築之間膠鬲居於魚鹽之中管夷吾舉於
士孫叔敖居於海百里奚居於市孟子白告子
史方其鼓刀屠狗賣繒之時豈自知附驥之尾德流子孫

哉史灌傳司馬喜翮脚於宋宰相中山范曄摺脅折齒於魏

卒為應侯百里奚乞食於路繆公委之以政甯戚飯牛車

下而桓公任之以國駝傳劉敬脫輓輅而建金城之安叔

孫通舍抱鼓而立一王之儀身名俱榮赫卜式拔於芻牧

弘羊擢於賈豎衛青奮於奴僕日殫出於降虜公孫司馬

相如成都人家徒四壁立後數歲為中郎至蜀太守以下

郊迎縣令負弩矢先驅蜀人以為寵本信惟餓隸布實黥

徒越以狗盜芮尹江湖叔傳並鄭詹縛於晉終亦無死鍾

儀南音卒獲返國叔向囚虜自期必免范座騎危以生易

死蒯通據鼎耳為齊上客張蒼韓信伏斧鑕終取將相鄒陽

獄中以書自活賈生斥遂復召宣室倪寬擯死後至御史

大夫董仲舒劉向下獄當誅為漢儒宗唐柳宗

集綠驥垂耳於林垆鴻雀戢翼於汙池藝之者固以為園

囿之凡鳥外廐之下乘也及整蘭筋揮勁翮陵厲清浮顧

盼千里豈可謂其借翰於晨風假足於六駮哉陳孔朝

為仇虜夕為上將陳文璋安國免徒起紆青組張敞亡命

坐致朱軒陸士不見公與相起身自犁鋤韓李斯逐馬而

為上卿鄒陽囚焉而為上客劉賓客

本朝士方窮時困阨閭里庸人孺子皆得易而侮之若李

子不禮於嫂買臣見棄於其妻一旦高車駟馬旌旄導前

騎卒擁後夾道之人相與駢肩累迹瞻望咨嗟而所謂庸

夫愚婦者奔走駭汗羞愧俯伏以悔罪於車塵馬足之間

者此一介之士得志當時而意氣之盛昔人比之衣錦之

榮者也歐公畫錦堂趙廣漢河間之群吏也尹翁歸河東

之獄吏也張敞太守之卒吏也王尊涿郡之吏佐也出之

為將入之為相老蘇記纂淵海卷第八

記纂淵海卷第九

論議部之九

世路嶮巖

集荆棘聚而成林楚世路嶮巖太行孟門豈云嶮絕劉孝

世議迫阨不容其高雲海方蕩瀟孤鱗安得寧陳子昂

世路如秋風相逢盡蕭索世路有屈曲時世梗悲

路杜世路知交薄時危人事急風逆羽毛傷浮

生有蕩泊吾道正羈求人寰難容身壁滑側足雲雷屯不

已艱險更路踟普天無川梁欲齊願水縮舉頭向蒼天安

得騎鴻鵠並杜盈盈一尺水浩浩千丈波樂天時情變寒暑

世利等錙銖若比世路難猶自平於掌白樂天初世塗

昏險擬步如漆深劉賓宦途似風水白傳可伶百鳥紛縱橫

雖有深林何處宿韋應古心雖自硬世路終難杓韓

本朝線路不容足諫坡要路風波無限惡樂城平地生崎

嶮山谷

人心難托

經彼何人斯其心孔艱詩斯人藏其心不可測度也記禮

今吾於人也聽其言而觀其行也與其進也不與其退也

與其潔也不保其往也並述語

子喜則交頸相靡怒則分背相踈莊孔子曰人心險於山

川難於知天天亦有春秋冬夏旦暮之期人者厚貌深情

並出入傾險使信士分財不如探籌使廉士守財不如閉戶

致中

史史佚曰非吾族類其心必異臧子哲曰我好見之不知

其有異志也

失望入

子產曰人心之不同如其面焉吾豈敢

謂子面如我面乎

襄三十一

雖有親父安知其不為虎雖有

親兄安知其不為狼

史韓安

如常山王成安君為刎頸交

卒滅亡患生於多欲而人心難測也

通漢

入吾室操吾

戈以伐我

東漢鄭

符丕曰垂在鄴如藉虎侵咬常恐為肘

腋之變

晉

昔呂布殺丁原以事董卓終誅董而為賊牢反

王恭以歸晉還背晉以構妖

梁高

惟有心相對間咫尺之

情不能料

五代晉

李繁者泌之子也陽城盡疏悲延齡過

惡欲密論之以繁故人子使之繕寫繁徑以告延齡先詣

唐德宗

上一一自解疏入上以為妄不之省

並通鑑

集

孰知其不合兮若竹柏之異心

楚

失意杯酒間白刃起

相讎

選少年行

互

無曰父子無間昔有潘崇無曰至親無

二或容江充

王廣之

人心若波瀾

注卷九

它人方寸間山海幾

千重輕言託朋友對面九疑峯

時太

翻手為雲覆手兩紛

紛輕薄何足數

杜工

天可度地可量唯有人不可防但見

丹誠赤如血誰知偽言巧自簧

白

太行之路能摧車若比

君心是坦途巫峽之水能覆舟若比君心是安流

並白理

平為鸞為鳳為鶴為鷺世變則為蛇為豕為獍為梟者十

恒八九

元集

平生親友心豈得知淺深

白樂

今夫平居里

巷相慕悅酒食游戲相徵逐詡詡強笑語以相取下握手

出肺肝相示指天日涕泣誓死生不相背負一旦臨小利害

僅如毛髮比反眼若不相識落陷穿不一引手救反擠之又

下石焉者皆是也

韓柳

湜輩雖屢指教不知其果不叛去

否

韓愈與

小人知慮險平地生太行

孟東

大海波濤淺小人

方寸深海枯終見底人死不知心

杜荀

世情本離合對面

隔山坵

建

兒冠出門父翁不知其往止女笄上車夫人

不保其貞汗 一人千萬心逆糖一日天無風四溟波盡
息人心風不吹波浪高百尺唐詩識貌不識腸建長恨
人心不如水等閑平地起波瀾劉賓天下之言事為脩潔者
有如河間之始為妻婦者乎天下之言朋友相慕望有如
河間之與其夫切密者乎河間一自敗於強暴誠服其利
歸敵其夫猶盜賊仇讎不忍一視其面率計以殺之無須臾
之戚則凡以情愛相戀結者得之有耶利之滑其中耶亦足
以知恩之難恃矣文柳

本朝醜好隨手翻山谷人心百態巧且難臨危利害兩相
關朝為親戚暮仇敵自古常嘆交道難公當人盡賓主
對面如蠻夷邵堯夫觀蔡集

其居使然

經富人之屋烏所集也詩正注互墟墓之間未施哀於民

而民哀社稷宗廟之中未施敬於民而民敬記檀

子射干莖長四寸生於高山之上而臨百仞之淵木莖未

能長也所立者然也互入地目不自見並出市井相與言

則以財與利揚十仞之城樓季弗能諭者峭也千仞之山

跛牂易牧者夷也五丘阜不能生雲雨縈水不能生

魚鱉者小也互入甚霧之朝可以細書不可以望尋

長之外 禿腐之山無十丈之材並眼能察天衢而不

能周項領之間拋朴兩不相視並崑山之下以玉抵烏影

蠡之濱以魚食犬而人不愛者非性輕財所豐故也攷

史叔向之母曰深山大澤實生龍蛇左襄二如目見毫毛

而不見其睫也越世齊魯之間於文學自古以來其天性

然也儒林傳高明之家鬼瞰其室揚雄鄒魯寸經學齊楚

多辯智韓魏有奇節鄒陽秦漢以來山東出相山西出將

馮馮萬室之邑必有萬鍾之藏千室之邑必有千鍾之藏

趁貨猛虎在深山百獸震恐及其在穿檻之中搖尾而求

食司馬傳服締絡之涼者不苦盛暑之鬱燠襲狐裘之煖者

不憂馭寒之悽愴王褒傳並西漢鈞天廣樂必有奇麗之觀

帝室皇居必蓄非常之寶東漢彌衡傳富貴生不仁沈溺致愚

疾唐史臣穆宗贊河南帝城多近臣南陽帝鄉多近親東漢光武紀衣

冠人物盡在中原通鑑梁武紀登高不懼者胥靡之人也坐垂

堂者千金之子也東漢馬融傳互京師衣冠所聚身名所

出從容附會不勤而成唐書張齡傳水清無大魚通鑑漢和紀

傳記 楚國食貴於玉薪貴於桂 爭名者於朝爭利者於

市戰國 高山之巔無美木傷於多陽也大樹之下无美草

傷於多陰也說苑 順風而呼風不加疾而聞者衆登丘而

招臂不加長而見者遠說苑 建本互與君子游苾乎如入

蘭芷之室久而不聞則與之化矣與小人游貸乎如入鮑

魚之肆久而不聞則與之俱矣是故君子慎其所去就與

君子游如履長日加益而不自知也與小人游如履薄冰每

履而下幾何而不陷乎哉大戴禮 高山多林必有怪虎

豹藏孕焉深淵大川必有蛟龍焉大戴禮 林中多疾風富

貴多諛言論鐵 鬼谷先生曰子不見河邊之樹乎僕御折

之其枝風浪盪其根此木豈與天地有仇怨所居然也子

不見嵩岱之松柏乎上枝與青雲下根通於九泉千秋百

歲不逢斧斤之患此木豈與天地有骨肉所居然也虞高

集 登高使人意遐臨深使人意清張景陽詩 市廛所會萬

商之淵左太冲 賦虱處頭而黑麝食栢而香頸處險而瘦齒

傳士

記卷九

居晉而黃

嵇康養生論

五陵佳氣無時無，杜帝都名利場。雞鳴

無安居

温飽充於内，清廉形於外。

南山多白雲，洛陽

惟紅塵

閻生魑魅蠹生蟲

並白樂天

貧士少顏色，貴多輕肥

孟東懷貝玉

以之名都之肆

未有不售者也

挈而之三家

之野，未有不盜而困者

皇甫

枯巢無還羽

在富易為容

居貧難自好

孟東

蓬門自古少車塵

出韓滉

知君五陵

客不樂石門遊

劉賓客集

青雲豈有窺梁燕，濁水應無避釣魚

獨樹高高風勢急，平湖渺渺月明多

九草鸞鷲之侶無

歐陽詹文

水宿知寒早，愁眠覺夜長

如積而深，縱壑之鱗躍，風積而厚，垂天之翼奮

山無冷地，濁流無清源

王建

本朝

居貧賤而有聞，易

處富貴而无過難

東坡

暹日

近先知曉，天低易得春

邵堯夫

近水樓臺先得月，向陽花木

易逢春

翰府名談

公子何自知，秋陽哉生於華屋之下，而生於

朝廷之上，出擁大蓋，入侍帷幄，暑至於温，寒至於涼而已

東坡秋陽賦

其勢使然

經何以聚人曰財

易繫辭

世祿之家，鮮克由禮

位不期驕

祿不期侈

書畢命

子子路曰：負重而遠，不擇地而休；家貧親老，不為祿而仕

也。孫卿：衰麻苴杖者，志不存乎樂，非耳不聞服使然也。黼

黻衮冕者，容不褻慢，非矜莊服使然也。介冑執戈者，無退

懦之氣，非體純猛服使然也。家語三：夫芻狗之未陳也，盛

以篋行中，以文繡尸祝齋戒，以將之及其已陳也，行者踐

其首脊蘇者取而饜之班諺曰長袂善舞多資善賈此言多資易爲工也班衣食足而知榮辱管子夫堯舜在上雖十桀紂而不能亂者勢治也桀紂在上雖十堯舜而不能治者勢亂也班飢歲之春幼弟不飽攘歲之秋疏客必食糲子五遺腹子不思其父無貌於心也淮南夫民有餘則讓不足則爭讓則禮義生爭則暴亂起扣門求水莫不與者所饒足也林中不賣薪湖上不鬻魚所有餘也故物豐則欲省求瞻則爭止齊俗訓並淮南子堯爲匹夫不能使隣家至爲主則令行禁止預明月之光可以遠望而不可以細書盛霧之朝可以細書而不可以望尋常之外淮南富不學奢而奢班舜之方陶不能利其巷也及南面而君天下蠻夷皆被其福也尹挈瓶丐水執燿求火而人不吝非性好施有餘故也劉懸千金於市而人不敢取者分定矣委一錢於

記卷九

地童子爭者分不定矣博

史膏梁之性難正 食鮮肥者多驕放並國安民可與行

義危民可與爲非史紀秦始皇治獄吏上下相毆以刻爲明深

者獲公多平者多後患故治獄之吏皆欲人死非憎人也

自安之道在人之死人情安則樂生痛則思死捶楚之下

何求不得故囚人不勝痛則飾詞以視之吏治者利其然

則指道以明之上奏畏却則鍛鍊而周内之雖咎繇聽之

猶以爲死有餘辜何則成練者衆文致之罪明也西漢路

勇畧震主者身危功蓋天下者不賞鑾衣食足而知榮辱

廉讓生而爭訟息餽志漢食夫百人作之不能衣一人欲天

下亡寒胡可得也一人耕之十人聚而食之欲天下無飢

不可得也飢寒切於民之肌膚欲其亡爲奸邪不可得也

通鑑孤者易傷貧者易感東漢原傳本根既微枝葉强大故

其未流有從橫之事勢所然也漢光武生而富者驕生而貴者傲未之有也漢和勢存則威無不加勢亡則不保一身

漢獻紀貴不與驕期而驕自至富不與奢期而奢自至魏微貧不學儉富不學奢非人性也勢使然耳互入不履屋

初成而大匠先立其下嘉禾始熟而農人先嘗其粒王粲志魏晉劉毅曰上品無寒門下品無勢族通鑑宋明帝詔曰貴

高有危殆之懼卑賤有溝壑之憂宋辛雄曰凡人所以臨陳忘身觸白刃而不憚者一求榮名二貪重賞三畏刑罰

四避禍難非此數者雖聖主不能使其臣慈父不能厲其子矣梁高祖朱敬則曰急趨無善迹促枉少和聲續世安之民驕佚則難教經亂之民愁苦則易化譬猶飢者易

為食渴者易為飲也通鑑唐太宗紀

傳記市朝則滿夕則虛非愛朝市而夕憎之也求存故往

亡故去國策貴不與富期而富自至富不與梁肉期而梁肉

至梁肉不與驕侈期而驕侈至國策與驥俱走則其人不勝驥矣居與車上而任驥則驥不勝人矣春秋漁人匠者何

患山海之貧罄哉劉錢之所在危可使安死可使活錢

集廣川無逆流選謝靈運詩之所去貴可使賤生可使殺魯褒神論錢洪波震壑川無恬鱗

驚飈拂野林無靜柯梁仲文表高風摧秀木李少年樂新知

哀暮思故友互入不文章之作恒發於羈旅草野至若王公貴人氣得志滿非性能而好之則不暇以為夫和樂

之音淡薄而愁嘆之聲要妙歡愉之辭難工而窮苦之言易好也並韓絡首縻足兮驥不能踰跬步无所阻矣陂鱉

千里炎天無冽井日月停午物無邪陰劉賓客短線无長絳孟東野隣富雞長往家貧客漸稀姚少監長江不肯向西

流天白樂世胄躡高位英俊沈下僚地勢使之然由來非一

朝左太冲詠史詩在貴多忘賤贈曾子建

本朝朱門有遺啄千里來燕雀公門冰如水百呼無一諾

飽食有殘肉飢食無餘菜先竭是甘井得全如苦李

並諫尺箠當猛虎奪呼而操擊徒手遇蜥蜴變色而却走

老泉先生集袒裼而按劍則烏獲不敢逼冠胄衣甲擐兵而寢

則童子彎弓殺之矣利之所在天下趨之是故千金之

家欲其所為則百家之市無寧居者集三蘇自下觀上無限

富貴自上觀下無限貧賤邵堯夫

無可奈何

經 顛濟若之何其書微已焉哉天實為之謂之何哉毗云如之何儲老何嗟及矣中並詩既往不咎 吾末如之何也已論

史 既事不咎西漢秋傳楊彥詢曰譬如人家有子父母所不能制將如之何通鑑五代

傳記 夜行者能無為姦不能禁狗使無吠已也戰國策

本朝 攻之斲破而愈堅撲之未滅而愈熾遂至於無可奈何公天下之患莫大於不知其然而然不知其然而然者是拱手而待亂也東坡文

可已則已

經 得已則吾欲已記檀弓下

子 可以止則止 是亦不可以已乎並

史 無損於魯而祇為名 衛甯喜專公孫免餘請殺之公曰事未可知祇成惡名止襄二十七年不足以害吳而多殺國士不如已也並哀八年左

禍福倚伏

子 禍者福之所倚福者禍之所伏孰知其極老五宋人有好行仁義三年不懈無故黑牛生白犢以問孔子曰此吉祥也以薦上帝居一年其父無故而盲其牛復生白犢其父又復令其子問孔子其子曰前問之而失明又何問乎

父曰聖人之言先汗後合其事未究姑復問之其子又復問孔子孔子曰吉祥也復教以祭其子歸致命其父曰行孔子之言也居一年其子無故而盲其後楚攻宋圍其城民易子而食之析骸而炊之丁壯者皆棄城而戰死者大半人以父子有疾皆免及圍解而疾俱復禍福相倚也此謂慶者在堂弔者在閭禍與福隣莫知其門器大失火而遇雨失火則不幸遇雨則幸也故禍中有福離禍之所倚反而為福福之所伏還以成禍妖之所見或能為吉祥之所降亦或成凶有知禍之為福福之為禍妖之為吉祥之為凶則可與言物類矣列

史 晉司馬侯曰或多難以固其國啓其疆土或無難以喪其國失其守宇齊有仲孫之難而獲桓公晉有里克之難而獲文公是以為盟主衛 無難敵亦喪之昭四年互與

於青之賞必與於其罰昭二十年注公禍兮福所倚福兮禍所伏憂喜聚門吉凶同域賈生 句踐之困於會稽喟然

歎曰吾終於此乎種曰湯繫夏臺文王囚羑里晉重耳奔翟齊小白奔莒其卒王霸由是觀之何處不為福乎越世家

英布少時遇相者曰當黥而王後被刑而王 竇廣國家貧為人所略賣為其主入山作炭寒臥岸下百餘人岸崩

盡壓殺臥者獨少君得脫卜曰當侯實后立封侯並外史傳

朱英謂春申君曰世有無望之福亦有無望之禍通鑑

傳記 文種曰皇天祐助前沈後揚禍為德基憂作福堂後漢 趙曄吳 夫郊祀之牛衣之以朱采食之以禾粟非不樂也

及其用時鼎鑊在前刀俎列後當此之時雖欲還就孤犢寧可得乎古錄

集 休咎相乘躡翻覆若波瀾選君福為禍胎禍作福階

諒北叟塞上之翁也馬無故亡入胡人弔之翁曰安知非福乎後其馬將胡駿馬而歸人賀之翁曰安知非福乎後其子騎墮而折臂人弔之曰安知非福乎後胡兵大出丁壯者戰死唯子以跛故得父子相保故以北叟知禍福相因倚而生也班固注桑穀之祆反為福於太戊大鳥之慶竟成禍於帝辛李白所料柔動而得謗名亦隨之韓晉勝鄆陵范燮祈死吳克勁越夫差啓殃公澁文宣禍福回環車轉轂榮枯反覆手藏鈎鮑侍

本朝 魏證停叔玉昏乃天以祐魏氏房元齡之子遺愛因尚主遂為房氏大禍鳴道集

福少禍多

福輕於羽莫之知載禍重乎地莫之知避莊福不盈跳

禍溢於世班固孟堅利輕春露害重冬霜蘇彥歡華不滿眼咎責塞兩儀韓文

福過禍生

宋 無德而祿殃將至矣左夫德福之基也無德而福猶無基而厚墉也其壞也無日矣晉密康公母曰小醜備物終必亾並國語出久乘富貴福積為祟史記田貴臣常禍傷於寵也東漢王符傳

轉禍為福

子子曰中行文子倍道失義以亡其國而能禮賢以活其身聖人轉禍為福此謂是歟家語失火遇雨禍中福宋人為善無故而盲其後楚攻宋丁壯者死老幼皆上城破

皆屠獨父子盲得無乘城圍解則父子俱視並淮南

史齊有仲孫之難而獲桓公至今賴之晉有不克之難而

獲文公是以為盟主左昭年韓信坐法當斬信乃仰視滕公

曰上不欲就天下何為斬壯士滕公竒其言壯其貌釋而

不斬與語大悅之言於上以為治粟都尉蒯通說范陽

令曰君急遣臣見武信君君可轉禍為福矣並史記詭禍為

福張蒼坐法當斬解衣肥白如瓠時王陵見而怪其美

士乃言沛公救勿斬後以為代相遷為附相並西漢武經

載高宗雖雉之異以明轉禍為福之驗通鑑漢紀聖人轉禍

而為福智士因敗而成功漢馮安祿山討奚契丹為虜

所敗張守珪奏請斬之祿山臨刑呼曰大夫不欲討奚契

丹耶柰何殺祿山守珪亦惜其驍勇欲活之乃更執送京

師通鑑唐太宗杜兼誣奏李藩於張建封之薨搖動軍情上大

怒密詔杜佑使殺之佑素重藩懷詔旬日不忍發因引藩

出詔示藩藩神色不變曰此真報也佑曰君謹勿出口吾

已密論用百口報君矣上召藩詣長安望藩儀度安雅乃

曰此豈為惡者即除授秘書郎通鑑唐德宗舒元輿有族

子守謙愿而敏元輿愛之從元輿者十年一旦忽以非罪

怒之日加譴責奴婢輩亦薄之守謙不自安求歸江南元

輿亦不留守謙悲歎而去夕至昭應聞元輿收禁守謙獨

免通鑑唐文宗

集每因禍以禔福亦踐危而必安選甲北叟塞上之翁其

子騎而折臂人弔之曰安知非福乎後胡兵大出丁壯者

戰死唯翁子以跛故得父子相保班固注蒯通據鼎耳為

齊上客張蒼韓信伏斧鑕終取將相鄒陽獄中以書自活

賈生斥逐復召宣室倪寬擯死後至御史大夫董仲舒劉

向下獄當誅為漢儒宗此皆壞偉博辨奇壯之士能自解

脫柳文知足下遇火災家無餘儲僕始聞而駭中而疑終而

大喜蓋將弔而更以賀也京城人多言足下家有積貨士

之好廉名者皆畏忌不敢道足下之善獨自得之心蓄之

銜忍而不出諸口以公道之難明而世之多嫌也一出口

則嗤嗤者以為得重賂常與孟幾道言而痛之乃今幸為

天火之所滌盪凡眾之疑慮舉為灰埃黔其廬赭其垣以

示其無有而足下之才能乃可以顯白而不污其賢出矣

是祝融回祿之相吾子也則僕與幾道十年之相知得開

其喙發策決科者授子而不慄雖欲如嚮之蓄縮受侮者

其可得乎於茲吾有望於子是以終乃大喜也柳文賀進

書失火病木斧斤遺天白樂

本朝孫真人著大風惡疾論曰神仙傳有數十人皆因惡

記卷十

五

疾得仙道何者割棄塵累懷穎陽之風所以因禍而取福

也東坡論李程貞觀中試日五色賦初出試楊於陵遇程

詢其所試於陵謂程曰公今須作狀元翌日無名於陵深

不平乃於故册子末繕寫而斥其名氏携之以訴主文主

文歎賞不已於陵曰當今場中若有此賦侍郎何待之主

文曰非狀元不可也於陵曰苟如此侍郎亦遺賢矣此乃

李程所作亟命取李程所納卷對不差一字主文因謀之

於陵擢為狀元見蘇東坡與李薦詩註新唐詩同上有日

禍生所忽

經子曰小人溺于水君子溺於口大人溺于民皆在其所

褻也衣記緇

子隙穴之風輕塵不動毛髮不搖及中肌膚以為深疾列

史子產曰水懦弱民狎而玩之則多死焉昭二年禍因藏於微隱而發於人之所忽西漢司馬相如傳堤潰蟻孔氣洩針芒東漢陳忠傳凡患生於所忽禍發於細微東漢馬行傳帝曰譬如猛虎物不能害反為毛間蟲所損食耳陳通鑑
集胡越起於輦下而羗夷接軫也司馬諫獵表

憂禍相仍

終其永懷又窘陰雨疇未堪家多難予又集于蓼劉旣破我斧又缺我斨破斧詩

史草木遭霜者不可以風過西漢傳裴寂謂劉文靜曰貧賤如此復逢離亂隋紀

集茫然阮籍途更洒楊朱泣杜工部落陷窅不一引手救反擠之又下石焉韓文已抱沈疴冷更貽魑魅憂孟東野文清羸還

對月遲暮更逢秋李文義羸骨欲消猶被剗瘡痕未滅又遭彈元微集

本集譬如乘輕車馭駿馬冒險夜行而僕夫又從後鞭之豈不殆哉東坡擬進士策枯木自少葉不堪經曉霜樂城殘

已是風和雨更看游人憾落花山谷詩楊文公億為執政者所忌言事者攻之不已公曰已擠溝壑猶下石而不休方

困蒺藜尚彎弓而相射青箱雜記

不待增益

子華霍之極大滄海之混濘其高不借翔埃之來其深不仰行潦之注抱朴子塞難篇

史雕之不增文磨之不加瑩魏文士傳互

集苟贊其道若譽天地之大褒日月之明非愚則惑

不待矯揉

子孩提之童無不知愛其親及其長也無不知敬其兄盡

上今人乍見孺子將入於井皆有怵惕惻隱之心非所以

納交於孺子之父母也非所以要譽於鄉黨朋友也非惡

其聲而然也並公孫丑鵠不日浴而白烏不日黔而黑莊天

木不待皦括而直者其性直也荀子鳥排虛而飛獸蹠實

而走蛟龍水居虎豹山處天地之性也唯道南良玉不雕美

言不文子楊五玉不染而堅寒冰不磨而朗抱朴

集美雅之體無待韋紘憲王至寶不雕琢文翰大圭之質豈

待磨礪良玉雖朴不受采醴泉自甘非有和真色縝密

丹青無自入也美味天成麴蘖無所資也並唐

本朝金沉羽浮蓋有常性數就死之牛見之而不忍入井

赤子覩之而怵惕牧人厚方苞之葦稚子閱方離之雉當

其情動於中蓋有所自鳴道天力自然不施膠筋東

不待擬議

子兩木相摩而燧金火相守而流圓者常轉窾者常浮自然之勢也淮南

史雷霆之所擊無不摧折者萬鈞之所壓無不靡滅者山傳我當此日不為兄弟所容實有功高不賞之懼蕭瑀不

可以厚利誘之不可以刑戮懼之真社稷臣也乃賜詩魏徵貞觀又褚碧曰冰炭不言而冷熱之質自明者以其有

實也魏三國史之**集**近火固宜熱履冰豈無寒行君子苟贊其道若譽天地之

大褒日月之明非愚則惑柳文互入梗南出地知為棟

梁鳳凰在慙知摩雲霄高達鳳凰芝草賢愚皆以為美瑞

青天白日奴隸亦知其清明韓文**本朝**如炊之無不熟種之無不生也東坡思

自有定價

集毛嫱西施善毀者不能蔽其好選四子稱謂一立古先

聖賢所不敢移劉賓客精金百鍊良驥千金唐文粹

本朝鬻千金之璧者不之於肆而願觀者塞其門觀者歎

息而主人無言焉非不能言知言之無加也東坡書上曹文

章如金玉各有價定先後進相波引因其言以信於世則

有之矣至其品自高下蓋付之眾口決非一夫所能抑揚

東坡書歐陽公言文章如精金美玉市有定價非人所能

以口舌貴賤也東坡書藍田生美璞未琢價連城山谷

不可淺量

○經波養而不窮 愈汲愈生並易井卦 齊大饑黔敖為食於路以待餓者而食之有餓者蒙袂輯履貿貿然來黔敖曰嗟來食揚其目而視之曰予惟不食嗟來之食以至於斯也從而謝焉終不食而死記禮

○子孟子曰焉有君子而可以貨取乎孟公孫子貢南遊於

楚過漢陰見一丈人方為圃畦鑿隧而入井抱甕而出灌

用力多見功寡子貢曰鑿木為機後重前輕挈水若抽其

名為槔圃者曰聞有機事必有機心吾非不知羞不為也

莊見虎一文不知其武見驥一毛不知善走 行一棊不

足以見智彈一弦不足以見悲離故九州不可頃畝也八

極不可道里也大山不可丈尺也江海不可斗斛也訓泰

淮南不可以黔婁原憲之貧而謂古者無陶朱猗頓之富

不可無監宿瘤之醜而謂在昔無南威西施之美 王莽

引典墳以飾其邪不可謂儒者皆為篡盜也相如因鼓瑟

以竊文君不可謂雅樂主於淫佚也抱朴子

○史趙有處士毛公隱於博徒薛公隱於賣漿家通鑑周始

孟嘗君列此二人注鷄鳴狗盜於賓客賓客盡羞之及孟

嘗君有秦難卒此二人捄之史記孟嘗韓安國坐法獄吏

田甲辱安國安國曰死灰獨不復燃乎甲曰燃即溺之居

無幾韓安國為梁內史前漢趙使平原君合從於楚約與

食客二十人偕得十九人毛遂自薦備員曰使遂蚤處囊

中乃脫穎而出平原君竟與毛遂偕十九人相與曰笑之

而未發也毛遂至楚與十九人論議十九人皆服遂定從

而歸史記平原君傳毛義家貧以孝行稱南陽張奉慕其名往候

之坐定而府檄適至以義守令義奉檄而入喜動顏色奉

心賤之及義母死後舉賢良徵不至張奉歎曰賢者固不

可測往日之喜乃為親屈也後器博者無近用馮宋安靜

之吏日計不足月計有餘安東漢並王導因事就功雖無日

用之益而歲計有餘通鑑晉紀庸可以水旱而累堯湯乎漢東

蔡邕魏舒不為鄉親所重後為將軍鍾毓長史毓每與參

佐射舒常為畫籌而已後遇射人不足以舒滿數舒容範

閑雅發無不中舉坐愕然莫有敵者毓曰吾之不足以盡

卿才有如此射矣通鑑魏紀王湛初有隱德人莫能知兄弟

宗族者皆以為癡兄子濟輕之嘗詣湛見床頭有周易濟

請言之因剖析玄理微妙而有奇趣皆濟所未聞武帝亦

以湛為癡見濟輒問之濟曰臣叔殊不癡初陸機入洛

欲為三都賦聞左思作之撫掌而笑之與其弟雲書曰須

其成當以覆酒甕及思賦出機絕歎以不能加也遂輟筆

焉晉書左思傳初拓跋窟咄之代珪中莫題以珪年少以

箭遺窟咄曰三歲犢豈能勝重載耶珪心銜之至是使人

以箭示題而謂之曰三歲犢果如何題父子對泣詰朝收

斬之通鑑晉安祿紀互王敬則母謂人云敬則應對鳴鼓角

人笑之曰汝子得為人吹角可矣後果封侯給鼓吹齊曹

景宗大破魏軍振旅凱入帝於華光宴飲因令左僕射沈

約賦韻景宗不得韻意色不平啓求賦詩帝曰卿伎能多

人才英技何必止在一詩景宗已醉求作不已詔令約賦

韻已盡唯餘競病二字景宗便操筆斯須而成其辭曰去

時兒女悲歸來茄鼓競借問行人何如霍去病帝欣然

不已約及朝賢驚嗟竟日詔令上史陳慶之曰吾始以

為大江以北皆戎狄之鄉北至洛陽乃知衣冠人物盡在

中原非江東所及也梁高魏游雅曰昔崔司徒謂高生豐

才博學所乏者矯矯風節耳余亦以為然及司徒得罪詔

旨臨責聲嘶股慄殆不能言高子獨敷陳事理辭義清辨

音韻高亮人主為之動容聽者莫不神聳此非矯矯者

乎高允乃太宗令封德彝舉賢久無所舉上詰之對曰非

不盡心但於今未有奇才耳上曰君子用人如器各取所

長正患不能知安可誣一世之人唐太宗互封常清少孤

貧細瘦類目一足偏短求為高仙芝嫌不納常清日候仙

芝出入不離其門凡數十日芝不得已留之會達奚部叛

常清私作捷言以示仙芝皆仙之心所欲言者由是一府

奇之仙芝為節度使即署常清判官唐玄桑維翰隨事裁

決初若不經思慮人疑其疎畧退而熟議之終亦不能易

也五代晉高祖並通鑑

傳記張華見褚陶語陸平原曰君兄弟龍躍雲津顧彥先

鳳鳴朝陽謂東南之寶已盡不意復見褚生陸曰公未觀

不鳴不躍者耳世說鳳凰初起也環二十步之雀嗾呶而

笑之及行少陽一詘一信展轉雲間藩籬之雀起然知不

及遠矣士褐衣未嘗浣也糲食未嘗飽也世俗之士即以

為羞矣及其出則安百議用則延命民世俗之士超然自

知不及遠矣韓詩外傳

集天鯤之為魚也替碧海泳滄流沈鯁於渤海之中掉尾

乎風濤之下而濠魚井鮒自以為為可得而齊焉鵬之為鳥

也刷毛羽恣飲啄戢翼於天地之間宛頸乎江海之畔而

雙鳧陣鴈自以為為可得而襲焉及其羽化垂天搏風九萬

振鱗橫海擊浪三千寧能借翰於桑榆假力於在藻資江

濱涓流之水待掘堞揚塵之風哉駱賓王人之難知堯舜所

病胡可以一訓一語而謂盡其能哉陸文宣勿言分寸鐵善

用乃長兵天白樂

本朝 盡道滿城無國艷不知朱戶鎖嬋娟臨川劉中山謂
王曾曰狀元試三場一生喫着不盡曾曰平生之志不在
温飽東筆

不可損益

經 其何傷於日月乎語論

子 君子所性雖大行不加焉雖窮居不損焉猛單父一歲

之麥於魯不加強喪之不加損譙舉世而譽之不加勸舉

世而非之不加沮莊遊道天下之水莫大於海萬川歸之

不知何時止而不盈尾閭泄之不知何時已而不虛秋水

注焉而不滿酌焉而不竭天地禹之時十年九潦而水不

記卷十一

五

加益湯之時八年七旱而涯不加損荀哀不能毀山之一

毛列湯富貴不足以益卑賤不足以損哀公不為堯存不

為桀亡並毀譽之於已猶蚤蚤之一過也 渴飲河水腹

滿而河水不為之竭並南子堯舜在上雖有十桀不能亂者

勢治也韓子

史 江湖之崖渤海之島羣鴈集不為之多雙鳧飛不為之

少西漢楊雄傳九牛下一尾司馬遷傳譬猶鍾山之玉泗濱之石累

珪璧不為之盈採浮磬不為之索蔡邕譬猶衡陽之林岱

陰之麓伐尋抱不為之稀藝拱把不為之數後漢崔塵加

岱嵩霜集淮海雖未有益不為損也後陽如彼白圭質無

點塵清不增潔濁不加染袁詒贊國虞仲翔美寶為質雕

摩益光不足以損三國虞翻傳唐段志冲曰尺霧障天不虧其

大寸雲點日何損於明唐通鑑

傳記鴻鵠高飛冲天然其所恃者六翮耳夫腹下之毳背上之毛增去一把飛不為高下劉向子貢曰臣譽仲尼如兩手捧土而附泰山其無益明矣臣不譽仲尼如兩手把泰山無損亦明矣韓詩外傳一室之中益一人燭不為益明去一人燭不為益暗列女傳

集青蠅不能穢垂棘邪論不能惑孔墨 行潦暴集江海

不以為多鱣鯨並逃九罟不以為虛是以許由匿堯而深

隱唐氏不以衰夷齊耻周而遠餓文武不以卑並文運四子講德論

百川注東海東海無虛盈泥滓不能濁澄波非益清韋應

淮濟之清有玷焉若秋毫固不為病 日月之蝕大圭之

瑕曷足以傷其明黜其寶哉 穢者自穢不足以害吾潔

狹者自狹不足以害吾廣幽者自幽不足以言吾明並柳

落一星伐一樹不足以損天地光輝 如太倉之稊米委

一粒於萬鍾 譽之所不能益者毀不能損榮之所不能

動者辱不能加利之所不能勸者害不能嬰 俾吾為秋

毫之杪吾亦自足不見其小俾吾為泰山之阿吾亦無餘

不見其多並互見有定立終年汲引絕不耗復不盈元稹

不可比喻

禮君子語大天下莫能載焉語小天下莫能破焉 君子

之道造端乎夫婦及其至也察乎天地並觀觀天下之物

無可以稱其德者記禮大道不器記學君子不器語為澤

及萬世而不為仁長於上古而不為壽覆載天地彫刻衆

形而不為巧莊天千里之遠不足以舉其大千仞之高不

足以極其深秋水在太極之先而不為高在六極之下而

不為深先天地生而不為久長於上古而不為老莊子大

史莊周其言洸洋自恣王公大人不能器之 深者入黃

泉高者出蒼天大者含元氣纖者入無倫雄揚王戎常目

山濤如璞玉渾金人能欽其實莫能名其器戎晉王戎傳

集昭乎日月不足為明萃乎泰山不足為高巍乎天地不

足為容韓伯潔乎瑾瑜不足為其珍芬乎蘭茝不足為其

秀被日確然金石不足以為堅澹然冰玉不足以為潔

雲烟綿聯不足為其態也水之迢迢不足為其情也春之

盜盜不足為其和也秋之明潔不足為其格也風檣陣馬

不足為其勇也瓦棺篆鼎不足為其古也時花美女不足

為其色也荒園陟殿梗莽丘隴不足為其恨怨悲愁也鯨

吐鰲擲牛鬼蛇神不足為其虛荒誕幻也並唐文粹通塞若水

變化若龍動之謂道非可以一善稱非可以一行目澁

本朝天子有道其德不可得而名輔相有德其才不可得

記卷十一

七

而稱故漢之文景紀無可書之事唐之房杜傳無可載之

功徐昌射制尚譬夫天地之妙造化萬物動者植者無細

與大不見痕迹自極其工殿誌

分量不同

綱維此聖人瞻言百里維彼愚人覆狂以喜詩桑厚於仁

者薄於義親而不尊厚於義者薄於仁尊而不親記表生

而知之者上也學而知之者次也困而學之又其次也困

而不學民斯為下矣季子曰回也三月不違仁其餘則日

月至焉而已矣雍中人以上可以語上也中人以下不可

以語上也長公治子曰君子固窮小人窮斯濫矣備重譬之

宮牆賜之牆也及肩窺見室家之好夫子之牆數仞不得

其門而入張子曰君子上達小人下達臧子曰君子泰而

不驕小人驕而不泰子曰君子易事而難說也說之不

以道不說也及其使人也器之小人難事而易說也說之

雖不以道說也求備焉語並麒麟之於走獸鳳凰之於飛

鳥泰山之於丘垤河海之於行潦孟賜也日進商也日退

賜也好友勝己者商也好友不勝己者魯繆公無人乎

子思之側則不能安子思泄柳申詳無人乎繆公之側則

不能安其身孫好名之人能讓千乘之國苟非其人簞

食豆羹見於色盡心楊子取為我拔一毫而利天下不為

也墨子兼愛摩頂放踵利天下為之盡心上互見並孟中

子天下之道損有餘補不足人之道損不足奉有餘老七十

軋公儀伯以力聞周宣王聘之曰女力何如曰臣見能折

春蠶之股堪勝也秋蟬之翼王曰我力能裂犀兕之革曳

九牛之尾猶憾其弱列上古有大椿者以八千歲為春秋

朽壤之上有菌芝者生於朝死於晦春夏之月蠓蚋者因

雨而生見陽而死溟海有魚焉其廣數千里其長稱焉其

名為鯤有鳥焉其名為鵬翼若垂天之雲江浦之間生麼

垂其名曰焦螟群飛而集於蚊睫弗相觸也栖宿去來蚊

弗覺也剛湯宋元君將圖畫眾使皆至紙筆和墨在外者

半有一史後至者僮僮不趨受揖不立因之舍公使人觀

之則解衣磐礴莊孔子謂子路曰水行不避蛟龍者漁父

之勇也陸行不避兕虎者獵夫之勇也白刃交於前視死

若生者烈士之勇也知窮之有命知通之有時臨大難而

不懼者聖人之勇也並莊大智閑閑小智間間 夫子步

亦步夫子趨亦趨夫子馳亦馳夫子奔逸絕塵而回瞪若

乎後矣事有難易門埴井之蛙謂東海之鼈曰井幹之樂

至矣東海之鼈左足未入而右膝已繫秋水鵬徙於南溟

水擊三千里搏扶搖而上者九萬里蜩與鳩決起而飛槍

記卷十二

榆枋斥鷃騰躍而上不過數仞而下翱翔蓬蒿之間趙道

莊並輕死而暴是小人之勇也荀君子能則寬容易直以

開導人不能則恭敬縛紕以畏事人小人能則倨傲辟僞

以驕溢人不能則妬嫉怨誹以傾覆人荀不楚王有白猿

自射之則搏矢而熙使養由基射之始調弓矯矢未發而

猿擁柱號矣淮南泰山之與丘垤江河之與行潦孟仲尼

之道猶四瀆也經流中國終入大海他人之道者西北之

之流也網紀夷貉或入於沲或淪於漢楊良馬不待策鍛

而行駑馬雖兩鍛之而不能進淮南許由獨善其身太公

兼利天下孔叢子眾木不能法松柏諸蟲不能學龜鶴抱朴

子對明之所及雖玄陰幽夜之地毫釐芒髮之物不以為

難焉苟所不逮者雖日月麗天之炤灼嵩岱干雲之峻峭

猶不能察焉論微旨虎豹之所餘乃狸鼠之所爭也陶朱之

所棄乃原顏之所無也法惑瓦盜木杯比門所饒金觴玉

爵萬家無一子抱朴江河之流爛齒漂屍縱橫接連而人飲

之者量大故也盆孟之水鼠尾一曳必嘔吐而棄之者量

小故也子游治武城仲尼發割雞之歎尹何為邑宰子

產出製錦之諫子並劉師曠對晉平公曰少而學者如日出

之光壯而學者如日中之光老而學者如秉燭夜行范

史子皮曰君子務知大者遠者小人務知小者近者懷三

年子皮治兵於睽終朝而畢不戮一人子玉復治兵於蔿

終日而畢鞭七人貫三人耳七僖二左愚者暗於成事智者

覩於未形史家趙故以詐遇詐猶有巧拙焉以詐遇齊譬

之猶以錐刀墮太行山也六通鑑子產治鄭民不能欺子賤

治單父民不忍欺西門豹治鄴民不敢欺史滑稽傳互故

以桀詐桀猶巧拙有幸焉以桀詐堯譬之以卵投石以指

撓沸若赴水火入焉焦沒耳通鑑工人之用鈍器也勞筋苦

骨終日矻矻乃巧治鑄干將莫耶清水淬其鋒越砥斂其

鏘水斷蛟龍陸搏犀革荷旃被毳者難與道純綿之麗

密羹藜茹糗者不足與論太牢之滋味王並前漢小智自私

賤彼貴我達人大觀物亡不可禰誼度長挈大比權量力

不可同而語禰籍盲者不見咫尺而離婁燭千里之隅

揚雄男雖賤各為其家陽女雖貴各為其國陰杜麟上

智不處危以僥倖中智能因危以為功下愚安於危以自

亡後漢吳智者順時而謀愚者逆理而動浮智者順以

成德愚者逆以取害鄒登高不懼者胥靡之人也坐不

垂堂者千金之子也其馬融傳互管寧與華歆共鋤菜見

地有金寧鋤不顧與瓦石無異歆捉而擲之人以是知其

優劣通鑑費禕為尚書令常以朝晡聽事其間接賓客飲

東漢

食嬉戲加之博奕每盡人之歡董允代禕旬日之中事多

停滯志桓温來朝或云欲誅王謝謝安神色不變坦之流

汗沾衣倒執手版通鑑或謂華譚曰諺言人之相去如九

牛毛寧有此理乎譚對曰昔許由巢父讓天子之貴而道

小人爭半錢之利此之相去何啻九牛毛也晉書華魏主

執任城王勰手曰二曹以才名相忌吾與汝以道德相親

通鑑顧悅之與簡文帝同年而髮早白帝問其故對曰

松柏之姿經霜尤茂蒲柳之質望秋先零晉書本傳顏

峻謝莊為吏部尚書時人語曰顏峻嗔而與人官謝莊笑

而不與人官書齊神武令諸子各理亂絲帝獨抽刀斬之

曰亂者須斬北史文松柏孤生勁特無所因倚女蘿弱不

能立必附他木唐書李正人如松柏獨立不倚邪人如藤

蘿非附他物不能自起唐太李晟為其子請昏於延賞不

紀卷十二

許晟謂人曰武夫性快釋怨於杯酒間則不復貯胃中矣

非如文士難犯外雖和解內蓄憾如故烏得無懼唐德宗

土城竹馬童兒樂也飾金翠羅綺婦人樂也貿遷有無商

賈樂也高官厚秩士大夫樂也戰無前敵將帥樂也四海

寧一帝王樂也唐書西域

傳記君子得時如水小人得時如火說苑談郭林宗曰奉

高之器譬諸汎濫雖青而易挹叔度汪汪若干頃波澄之

不清撓之不濁不可量也後漢黃憲傳汎泉之正出者毛

詩有列汎濫矣此段只當載漢書今人多夏侯太初嘗倚柱

作書時大雨霹靂破所倚柱衣服焦燃神色無變書亦如

故賓客左右皆跌蕩不能住世說楊修為丞相曹操主簿

至江南讀曹娥碑上八子問脩脩曰知之操曰待朕思之

行三十里乃得之令修解修曰黃絹色絲絕字幼婦少女

妙字外孫女子好字壺曰受辛辭字操曰一如朕意俗云

有智無智校三十里裴楷孔子曰仁義動君子財色動小

人樂勸曾有男子獨處于室隣人發婦又獨處于室夜暴

風雨至而室壞婦人趨而託之男子閉戶而不納曰吾聞

之男女不六十不同居今子幼吾亦幼不可以納子婦人

曰子何不若柳下惠然嫗不逮門之女國人不稱亂男子

曰柳下惠固可吾固不可詩公

尺澤之鯢豈能與鯤魚量江海之大籬籬之鷄豈能與

鳳凰天地之高哉楚辭以互規小犖原之與子都培塿之與

芳壺 彼桑榆之末光踰長庚之初輝並左賦鶴鶴巢於

蚊睫大鵬彌乎天隅張華鷦一飛冲青天曠世不再鳴又

安與鷓鴣徒翩翩戲中庭晉阮步駕蹇之乘不騁千里之

塗燕雀之儔不奮六翮之用班固孤松宜晚歲眾木愛芳

春陳子昂互入 巢許蔑四海商賈爭一錢曹植樂 眾星羅

青天朗者獨有月李太白相形互雀鳴朝營食鳩鳴暮求群獨有

知時鶴雖鳴不緣身韓文內不足者急於人如需焉有餘厥

聞四馳今人適數百里出門惘惘有離別可憫之色也持

被入直三省丁寧顧婢子語刺刺不能休今子使萬里外

國獨無幾微出於言面豈不知輕重真大丈夫哉 不為

斷血指汚顏巧匠旁觀縮手袖間不知言之人烏可與言

知言之人默焉而其意已傳強者必怒于言懦者必怒於

色並韓文不矍矍於進取不施施於得喪左絃右壺樂以終

日與夫拳拳恐悻蒙詔負義得之拘拘榮不羞愧以終其

身而不能止者不獨優乎 君子宜於上不宜于下小人

宜于下不宜于上柳文並達士如弦直小人似鈎曲杜工

智士日千慮愚夫唯四愁東野君子山嶽定小人絲毫爭

鴛蹄顧挫秣逸翮遺稻梁 君子芳桂性春榮冬更繁小人

槿花心朝在夕不存並孟百草短長出眾禽高下鳴元微

聖人瑩其心而窒其誇是以能照天下之理故其心清而

定愚者負其心而薄其外是以閑天下之理故其心塵而結

皇甫項籍納秦降卒二十萬慮其懷詐一舉而盡坑之其

於防虞亦已甚矣漢高豁達大度天下之士至者納用不

疑其於備慮可謂疏矣然而項氏以滅劉氏以昌蓄疑之

與推誠其效固不同也陸狀貌群分頭角萬殊隄甫務鳩

歛而厚其帑稅之積者匹夫之富也務散發而收其兆庶

之心者天子之富也陸文宣屠羊于肆適味於眾口也攻玉

於山侯知於獨見也貪日得則鼓刀利要歲計而韞價多

靈芝蓬蒲與百果齊折然煌煌翹翹出乎其類並劉彼

如君子心秉操貫冰霜此如小人面變態隨炎涼 椿壽

把卷十二

六

八千春橫花不經宿 葵枯猶向日蓬斷即辭春因指

塵土下蜉蝣良可悲不聞姑射工千歲冰霜肌 彼為菹

醢機上盡此作鸞鳳天外飛並白樂鷹饑常啄腥鳳饑亦

待瓊 顏回簞瓢才自給肥濃不到口年不登三十張蒼

染愛浩無際妾媵填後房竟壽百餘歲難覬事鵬背負天

龜曳地雲泥不可得同遊並張說螻蛄寧與雪霜期賢哲

難教俗士知杜牧君子寧小窮而大達小人寧小達而大

窮程靜者多便夜豪家不見愁姚少逸足期千里窮鱗渴

一泓張承智士役千慮達人輕百憂許用以至愚而對至

聖以極卑而對極尊徒思自強不可得也小小物無大志

並出唐蘭蕙雖可懷芳香與時息豈如凌霜葉歲暮藹顏

色韋應聖人之道猶坦途諸子之道猶斜徑彼日

本朝 昔闔立本始以文學進身卒蒙畫師之恥余謂不然

謝安石欲使王子敬書太極殿榜以韋仲將事諷之子敬
曰仲將魏之大臣理不必爾若然者有以知魏德之不長
也使立本如子敬之高其誰敢以畫師使之阮千里善彈
琴無貴賤長幼皆為彈神氣冲和不知向人所在內兄潘岳
使彈終日達夜無忤色識者知其可不榮辱也使立本如
千里之達其誰能以畫師辱之練坡書後翟公之客負公
於死生貴賤之間而公之士叛公於瞬息俄頃之際翟公
罪客而公罪已與士益厚賢於古人遠矣東坡勤上人書
也昔者夫子廉潔而不為異眾之行勇敢而不為過物之
操孝而不徇其親忠而不犯其君凡此者是夫子之全也
原憲廉而至於貧公良孺勇而至於鬪曾子孝而徇其親
子路忠而犯其君凡此者是數子之偏也註韓太昔唐太
宗以干戈之事尚能起李靖於既老而穆文宗以晏安公
之際不能用裴度於未病治亂之效如斯可見乞賜致仕不
允批小人以位為寵求之而不可得君子以寵為憂推之
而莫能去賜尚書右丞相胡君子之難知如麟鳳色斯舉
矣翔而後集况可麾而却之乎小人之易進如蛆蠅腥羶
所聚瞬一息千萬况可招而來之乎注論周禮檀議配享
子富人事紛華綵繡光翻座貧者愧不能微擊春磨 君如大
江日千里我如此水千山底 達人千鈞弩一弛難再幹
下士沐猴冠已繫猶跳驟 乃知賢達與愚陋豈直相去
九牛毛 達人友四海曲士守一鄉 鳳凰覽德輝遂引
不待遣鷓鴣燕子戀庭宇倏忽來千轉 有如市倡抹青紅
妖歌嫚舞眩兒童謝家夫人淡手容肅然自有林下風東坡
詩古之君子不用千世必寄於物以自遣阮籍以酒嵇康
以琴阮無酒嵇無琴則其食草木而友麋鹿有不安者矣

獨顏氏子飲水啜菽居於陋巷無假於外而不改其樂此孔子所以嘆其不可及也 衆皆以力事君公獨以道自任任其力者力衰而後去進以其道者道高則難留 秋

鴻一何樂空際乘風飛秋蟲一何憂壁間終夜悲 秋風

坐見蒲柳質歲晏惟有松柏垂 滾滾河渴濁皎皎江漢

清並集大小窮鵬鷄短長見椿槿詩山谷我詩如曹鄴前鋒

不缺鉛刀不堪供一切 賜牆人得視及肩公方槃槃一

都會 綦不甚相遠但高綦識先後着耳若低綦淺陋不

成邦公如大國楚五湖三江互出入明於詩大河無也即以

後着為先着昔黥布以窮來歸故高祖洗足不起以挫其

銳布欲自殺後見張御從官如漢王即又大喜過望此識

先着者也侯景以窮來歸梁武遽裂地而王之其後凡有

所須輒痛剝抑之故景反而梁武亡此以後着為先着也

互見區人有斗筲之量者有鐘鼎之量者有江河之量者

有天地之量者斗筲之量固不可算若鐘鼎江河者亦已

大矣然滿則溢也唯天地之量無得而損益焉非聖人孰

能當之 大抵為名者只是內不足內不足者自無

意於名 水與水精非不光比之玉自是溫潤有含蓄氣

象無許多光也 譬如積水於萬仞之源一日決之滔滔

汨汨直至於海其源深也若夫潢潦之水乍流乍涸終不

能有所至者其源淺也並集韓文公惟務容小人善惡黑

白不太分故小人忌之亦少如范富歐尹常欲分君子小

人故小人忌怨日至讀韓魏公曰呂申公以進賢自任恩

歸於已時士皆出其籠絡獨歐范尹旋收旋失之終不受

其籠絡 聖人之道如天地天地之間靡所不有衆人之

道如山川如陵谷如鳥獸如草木如蟲沙各盡其分不知

其外天地則無不包也無不徧也並遺書司馬溫公曰夫功

名之際人臣之所難處如高帝所稱者三傑而已淮陰誅

夷蕭何械繫非以履盛滿而不止耶故子房託於神仙遺

棄人間等功名於外物置榮利而不顧所謂明哲保身者

子房有焉紀高帝有獻狄梁公畫像及半身十餘通詣狄青

以為青之遠祖青謝遣還之比之郭崇韜哭子儀之墓

青所得多矣筆談如漢汲黯蕭望之李固吳張昭唐魏鄭公

狄仁傑皆以身殉義招之不來麾之不去正色而立於朝

則豺狼狐狸自相吞噬故皆能消禍於未形救危於將亡

使皆如公孫丞相張禹胡廣雖累千百緩急豈能望哉元王

之畫傳青松守節見臨危正色凜凜不可犯芭蕉芰荷不足

數狼藉徒能汚池檻歐陽新進之士喜勇銳老成之人多持

重同夫窮天下之物無不得其欲者富貴者之樂也浮槎

記他人磨礪爭出圭角公獨渾然不見其璞蔡朝天萬物

各有被無心獨浮塵 貴賤同為一丘土聖賢獨如星日

垂並歐人能百歲自古稀松得千年未為老臨松苗地合

分高下鳧鶴天教有短長 短羽卑飛已非心於枚粒陰

虬自躍思遠耀於風雲

